



This September call Australia, China, India, Malaysia & Philippines

Use your Telikom Prepaid Land line, Fixed Wireless Phone and Clifton.

24/7 Customer Care: Call 345 6789 or www.telikompng.com.pg



Tingim ol tisa

...Ol laikim mani go stret long akaun

Veronica Hatutasi
i raitim

OL TISA i laikim gavman na ol edukesen atoriti long putim mani long baim balus tiket, sip na kar i go long ples long taim bilong malolo (leave fares funds), i go stret long ol wan wan benk akaun bilong ol, na i no long ol narapela ejen olsem Air Niugini o long ol provinsel edukesen opis.

Wanpela bikmeri long PNG Tisas Asosiesen, Jenny Patrick Kome, i autim dispela poin insait long selebresen bilong Intanesenel Tisas de (ITD) selebresen i bin kamap long PNG Edukesen Institut (PNGEI) long Mosbi aste.

Samting olsem 200 elementeri skul tisa treni, ol lain tisa i wokim insevis trening, ol midia lain na Edukesen Minista, Theodore Zurenuoc na lain bilong em i bin bung long selebretim de bilong ol tisa.

Mis Kome i bin tokaut long 5-pela samting we ol tisa long kantri i laikim na gavman i lukluk long ol na edresim. Em long:

- Mani long baim balus tiket, sip na kar i go long ples long taim bilong malolo (leave fares funds), i go stret long ol wan wan benk akaun bilong ol;
- Gavman i sabsidaisim o peim hap skul fi long ol pikinini bilong ol i go long ol teseri o bikipela skul;
- Gavman long peim ples bilong slip na kaikai taim ol tisa i kam long ol edukesen institusen bilong mekim ol kos bikos mak bilong ol kos i stap namel long K3-4,000;

I go moa long pes 2



Foto: Australia Hai Komisn Publik Rilesens.

PES BILONG BUK BILONG PIKININI: Lavinia Lakani i gat 12-pela krismas bilong ples Makerupu long Sentrel provins i gat bikipela laik long ritim buk. Long opening bilong namba 8 Buk bilong Pikinini Laibreri long Yunivesiti bilong PNG, Waigani, long dispela wik Tunde, Natasha i bin wanpela long ol planti pikinini i bin stap na amamasim ol ges i bin kam long opening na tu, ritim ol buk insait long laibreri i stap.

**WINIM
SAMPLA LO
K200,000
INDEPENDENCE
FRI
KREDIT**

Yusim
Digicel fon blo
yu na u inap go
insait lo resis
lo Winim Fri
Kredit!



Yusim Digicel mobail
blo yu long mun
septemba na yu nap
winim fri kredit. Planti
Fri Kredit lo winim!
Ofa bai pinis lo 30
septemba 2011.

Digicel

Blipac, Blipac na maa telikom bilong PNG.

Digicel Terms na kondiseni stap insait pinis.

Insait

Evangelical Lutheran Sios Bilong Papua Niugini Namba 9
Nesenel Konfrens saplimen insait. - Pes 13,14,15 na 16



OCEAN BLUE TUNA

*Gutpela abus tru na
i no dia tumas!*

OX & PALM



TELI Apdeit

Sunset township of Vanimo says 'YELLO' with Citifon Citifon handsets commence sale in Vanimo town

The yello bandwagon, Citifon has come to the shores of Vanimo town in the Sandaun province with the locals to enjoy the affordable call and internet connectivity rates.

Vanimo is the latest township where Telikom PNG's Citifon has commenced the sale of handsets offering the residences of Vanimo the most affordable call rate of 2 toea per minute for Citifon to Citifon and 39 toea per minute to call other networks all day and all night.


Teikom PNG Chief Executive Officer – Peter Loko said since the launch of Citifon in May initially for Port Moresby, Lae and Kokopo, customers demand for Citifon has been overwhelming.

"Citifon is now our flagship brand while the fixed wireless phone and internet service using the internet dongle are also available on this network at very affordable rates which we believe is truly affordable for ordinary Papua New Guineans. To mark this sales launch Telikom is offering K50 free Telikad for every purchase of a V3 Citifon at K50.00," Mr Loko remarked. He said the service aims at providing value-for money to Papua New Guineans with the essential value being that of keeping in touch with family, friends and colleagues.

"This service will be extended into other centres around the country with team Telikom keen on its vision to have every Papua New Guinean have access to a telecommunication service by 2020. This will not only be for voice service but we also want our schools in the rural areas to have access to the internet to boost their learning, public servant to be able to access their bank accounts, local businesses to expand through networking and so forth," Mr Loko said.

Telikom Head of Commercial – Xavier Victor said for the month of September to mark the country's Independence anniversary, Citifon recorded being the first network in the country to offer the lowest international call rate at an exciting 39 toea per minute call rate to selected countries including Australia, India, China, Malaysia and the Philippines. Some residences in PNG from these nationalities when calling home have acknowledged Citifon for this rewarding call rate with Telikom also noting a fair increase in the call traffic into these countries.

There are five ranges of handsets with the models being that of V3 Gem, V3 Xing, V26, V27 and Alcatel OT-1650C. These handsets come with funky features that included FM Radio, music and video player, camera, and data modem that can be used to surf the internet. In other words, the phone can simply be used as an internet modem. Handsets come in very affordable prices ranging from as low as K79 to K199.



Namba wan senis wokman strongim PNG gutnem

Neville Choi i raitim

NAMBA wan lain wokman-meri bilong PNG husat i go wok long ol fam long Australia aninit long Pasifik Sisenal Wokas Skim (PSWS), i kam bek wantaim planti gupela tokluk-save, na tok promis bilong go bek gen long 2012.

Las wik Fraide i lukim kam bek bilong 9-pela man bilong kain kain hap bilong kantri, bihain long ol i go wok long wanpela fam long Robinvale long Viktoria.

Wok ol i mekim long fam long Robinvale, em long prunim o katim sotim ol diwai amon (almond). Dispela pinat, long Australia, ol i save groim long fam na salim i go aut long kantri.

Namba wan nainpela man i bin go daun, na i nogat malolo bilong ol.

Ol i tok em i hatwok moa. Fidelis Marnapepe, bilong Is Nu Briten, i tokim Wantok Niuspepa olsem ol i save kirap long 4 kilok moning long statim wok, na long

pinis, ol i ken pinis long 7 o 9 kilok nait.

Pastaim long ol i go daun long Australia, Fidelis i tok ol i bin mekim trening wantaim ol soldia long Goldie Bareks long Mosbi.

Narapela mangi Tolai, Steven Vavaki, i tok em tu i bin aplai na i laki long stap long sotlis bilong ol papa na bosmanmeri bilong fam.

"Wanpela samting mipela i lukim we em i gupela, em i sindaun bilong ol manmeri, ples bilong ol i save klin oltaim, na ol i no save leit long mekim wok. Taim ol i makim taim, ol i save kamap long taim stret.

"Wok pasin bilong ol tu i gupela. I nogat samting olsem smuk brek, o buai brek nabaut. Wok em i wok stret," Steven i tok.

Adrian Sima, bilong Morobe, i tok dispela hap tok 'fam', em i narakain tru long yumi PNG.

"Taim yumi save tok fam, em yumi toktok long gaden baksait long haus banis, o long blok. Dispela fam mipela i go wok long en, em



KAM BEK: Fidelis Marnapepe, meri bilong em Celestine, na Steven Vavaki i amamas gen long stap bek long PNG, pastaim long ol i go bek wok gen neks yia.

i no fam ya. Maski. Em i abrusim 37,000 hektas. Mi pilim olsem mi lainim planti samting long sait bilong wok long fam, na groim samting," Adrian i tok.

Pasifik Sisenal Wokas Skim em i wanpela 3-yia

pilot skim we i kirap long 2009, na bai pinis long Julai 2012.

Long dispela mun i go painim mun Novemba, namba tu lain manmeri bilong kantri bai go daun na wok long ol fam.

Namel long ol 12-pela nupela lain, i gat 6-pela meri.

Tok stia i kam long 9-pela man husat i opim rot bilong PNG long dispela skim, em "karim gupela nem bilong kantri we mipela i mekim pinis. Noken bagarapim".

Tiensten failim kot bilong pasim SWEEP tasfos

MEMBA bilong Pomio, Paul Tiensten, i wok long traime abrusim yet Tasfos Sweep, husat i laik askim em long paulim bilong moa long K1 bilian long Nesenel Plening.

Tiensten, husat polis i wok painim yet, i kirapim wanpela kot bilong sekim kamap bilong tasfos aninit long stia bilong O'Neill-Namah gavman.

Em i bin abrusim ol wokman bilong tasfos taim em i lusim Kokopo sampela wik i go pinis, na kam long Mosbi, pastaim

long em i go aut long kantri, long Australia.

Atoni Jeneral na Minista bilong Jastis, Allan Marat i tok olsem Tiensten i mas kam bek na bekim ol askim, sapos em i nogat samting long haitim.

Marat i tok, dispela kain pasin bilong abrusim askim bilong polis, em i soim olsem em i gat samting long haitim.

I gat ripot olsem Tiensten i bin hait long Brisbane, pastaim long em i go stap long Cairns.

Namba 8 Buk bilong Pikinini laibreri op

Veronica Hatutasi i raitim

BUK bilong Pikinini Laibreri (BBPL) em wanpela rot i wok long helpim ol pikinini bilong PNG long rit na rait na luksave long lukautim helt sait bilong ol.

BBPL i bin kirapim wok bilong em long PNG na moa yet, long Mosbi, tripela yia i go pinis long 2007, wantaim go pas bilong Anne-Sophie Hermann, meri bilong pastaim Hai Komisina bilong Australia, Chris Moraitis.

As tingting we Mis Hermann i bin kirapim BBPL em long helpim moa pipel long PNG long rit na rait na rot

long mekim dispela em long kirapim ol laibreri we ol liklik pikinini i ken lainim long rit na rait, na apim mak bilong literesi long PNG.

PNG i gat planti pipel i no save long rit na rait.

Tasol insait long foapela yia bihain, 8-pela BBPL i op pinis we 6-pela i stap long Mosbi, wanpela long Bumbu Rot long Eriku, Lae Morobe provins na narapela long Goroka Siti senta.

Wantaim sapot bilong ol dona na sponsa bilong moa long 25 bisnis haus long PNG na Australia, BBPL i givim pinis 50,000 buk we ol i givim i go long ol 8-pela

BBPL na narapela 20,000 buk i stap yet long tilim i go aut.

Namba 8 BBPL em ol i bin opim long dispela wik Tunde insait long eria bilong Yuni-vesiti bilong PNG.

Dispela em wantaim sapot bilong wanpela biknem intanesenel kampani em Hastings Deerings PNG.

Dispela nupela BBPL long UPNG bai kisim ol pikinini long Gerehu na Morata.

Insait long wanpela de, BBPL i save kisim namel long 540-830 pikinini long ol 8-pela laibreri.

Tingim ol tisa...

I kam long pes 1

■ Insurens long ol tisa bikos em i save hat long salim bodi bilong tisa i dai i go long ples; na

■ Wokim Tisa Viles long ol taun na eben eria, olsem ol Air Niugini woklain i gat long em.

Mis Kome i tok em i rait bilong ol tisa long kisim dispela skul malolo baim rot i go long ples mani na dispela mani i mas go long ol wan wan benk akaun bilong ol.

Na i no stret long givim i go long Air Niugini we kampani i save katim sampela manimak tu long ol.

Long wankain taim tu, ol kain hevi na politiks long provinsel na nesenel level i save kamap na planti tisa i no

save kisim ol skul malolo baim rot i go long ples mani.

Olsem na i moabeta long ol edukesen atoriti i putim dispela mani i go long ol wan wan akaun bilong ol tisa long stretim ol kain hevi na wari.

Long wankain taim tu, Edukesen Minista, Theodore Zurenuoc, i bin tokim dispela selebresen bung bilong ol tisa treni olsem O'Neill Namah gavman i rausim Autkam Beis Edukesen o OBE long edukesen sistem bilong kantri bihain long ol i glasim na skelim em (OBE) na em i no gupela long ol pikinini bilong yumi.

Em i tok wanpela gavman grup i

wok nau long ol wok redi plen bilong kamapim nupela sistem.

"Gavman i plen pinis long rausim OBE na kamap wantaim wanpela nupela sistem.

"Dispela nupela kurikulum bai putim kristen velyu na stretpela na gupela pasin olsem hap bilong ol "core" o ol bikipela akademik sabjek eria.

OBE i bin kam insait long edukesen sistem long PNG long 1993 aninit long nupela edukesen rifom bilong dispela kantri.

Mista Zurenuoc i tok ol bin kirapim OBE long yia 1897 we ol bikipela manilain long wol i bin laik kontrolim

pipel na wol.

Gavman na Edukesen Dipatmen i tromoim planti mani, wok na risos long go hetim ol nupela edukesen rifom long PNG i gat OBE long en, tasol Mista Zurenuoc i tok "tru, em bai kostim bikipela mani, tasol mi bilip olsem em i gupela long tromoim mani long humen risos, em bikipela samting bai mekim ol wok long go hetim kantri.

Long dispela taim tu, Mista Zurenuoc i bin luksave long ol tisa olsem hatwok bilong ol i givim save i go long ol praim minista, ol dokta, ol loya na olgeta lain i wok insait long olgeta level bilong go hetim kantri.

Kastomari graun luksave bai namba wan bikipela birua bilong gavman

PASIN bilong graun i stap long han bilong ol asples papa-graun i ken kamap namba wan bikipela birua bilong nesenel gavman, sapos em i lukluk long yusim busgraun na diwai bilong mekim mani.

Gavman i gat luksave long kari-maut REDD o Reducing Emissions from Deforestation and

Degradation of forests.

Dispela progrem em gavman i laik bihainim, we em bai yusim ol lain bus graun na diwai bilong kisim mani long ol arapela bikipela kantri i save tromoi bikipela hap poisen pipia long graun.

Nesenel Risets Institut (NRI) husat i save glasim ol wok bilong

gavman na stiaim em long ol birua na gutpela bilong ol wok, i tokaut olsem REDD plen bilong PNG bai nidim samting olsem 33 milian hekta lain diwai.

Tasol bikipela hap bilong ol lain diwai long kantri, i stap long han na nem bilong ol tumbuna papa-graun.

Mansave husat i raitim dispela

ripot, Nalau Bingeding, i tok gavman i mas painim rot bilong kamapim REDD progrem long ol kastomari graun, bai ol kros namel long ol kastomari papa-graun na resis namel long ol divelopmen sekta bilong graun i gat diwai long en bai noken kamap bikipela.

Mista Bingeding i tok kantri i

nidim wanpela Nesenel Len Yus Plen bilong REDD na kabon tred long kamap gut long PNG.

PNG em i wanpela kantri go pas long sapotim dispela REDD progrem long wol, na em i wok lukluk i go insait long kamapim wok kabon tred bilong mekim mani long lukautim gut ol lain diwai bilong kantri.

Mitupela brata yet...



Olpela na nupela komisina i tupela brata yet. Hia olpela komisina Tony Wagambie lephan na nau nupela komisina Tom Kulunga sindaun toktok taim ol i senisim wok.

Poto: Nicky Bernard

OLPELA Polis Komisina Tony Wagambie, sindaun na tokim nupela polis komisina Tom Kulunga, husat i kisim ples, long sampela senis em mas mekim taim em kisim sia bilong komisina.

Dispela bai namba wan taim tupela komisina bilong polis i mekim gut henova na tekova seremoni.

Bipo, taim ol polis komisina i save senis, i nogat gutpela wanbel, bai ol i sindaun gut na mekim gut senis olsem nau Wagambie na Kulunga i mekim.

Wagambie i tokim ol polis opisa olsem dispela opis bilong komisina em bilong gavman, na sapos gavman laik mekim senis, em samting bilong gavman.

Praim Minista Peter O'Neill i bin tokaut las wik olsem gavman i tingim sindaun na ron bilong nesenel ileksen

long 2012, we pinis bilong kontrak bilong Wagambie bai pinis.

Long abrusim wanem kain biru i ken kamap long taim bilong senisim hetman bilong polis long taim bilong ileksen, gavman i mekim olsem.

Wagambie na Kulunga bin wok wantaim long sampela hap long kantri, na Kulunga wanpela taim em bos bilong Wagambie, na tupela olsem brata stret long polis fos.

Ekting Komisina Kulunga i tok dispela opis bilong komisina i no nupela long en, na em i bin stap deputi komisina longpela taim na em save long wok bilong komisina.

Plantu long ol nupela opisa bin go stap long lukim henova na tekova bilong dispela tupela komisina bilong polis.

-Stori na Poto Nicky Bernard

TIME FOR A BREAK

Port Moresby ↔ Brisbane	K 369 (includes GST)
Port Moresby ↔ Sydney	K 730 (includes GST)
Port Moresby ↔ Melbourne	K 880 (includes GST)
Port Moresby ↔ Perth	K 1400 (includes GST)
Port Moresby ↔ Lae	K 229 (includes GST)
Port Moresby ↔ Mt. Hagen	K 299 (includes GST)
Port Moresby ↔ Alotau	K 229 (includes GST)
Port Moresby ↔ Popondetta	K 169 (includes GST)
Lae ↔ Madang	K 179 (includes GST)
Lae ↔ Goroka	K 99 (includes GST)
Wewak ↔ Mt. Hagen	K 240 (includes GST)
Rabaul ↔ Hoskins	K 199 (includes GST)

Fares are one way and for travel between 17th October 2011 and 07th December 2011.

Terms and conditions apply.

Sales period is 05th October 2011 to 16th October 2011.


Availability is limited

Call 1611 (from your digicel phone) or visit www.apng.com

Airlines PNG

COME FLY OUR WAY

- PORT MORESBY** - Level 1, Pacific Place, 321 3400
- MT. HAGEN** - Central Highlands Printers, 542 0662
- Kagamuga Airport, 542 2732
- LAE** - Micro Bank Haus, Fifth Street, 479 5980
- POPONDETTA** - Top Town (opp. Memorial Park), 629 7638
- ALOTAU** - Preston White Street, 641 1288
- GOROKA** - Airport, 532 2532
- TABUBIL** - Airport, 649 9171
- KIUNGA** - Airport, 649 1125
- MADANG** - Global Travel, 422 0011
- KIMBE** - Kimbe Travel Centre, 983 5802
- RABAU** - Rabaul Hotel, 982 1999



NO FREE PRESS: Ilekseen Menesa bilong Isten Hailans Alwyn Jimmy (I) na Gabriel Kaugla bilong Simbu i soim poto olsem midia i gat bikipela wok long mekim na ol tok sapos nogat midia, olgeta samting bai igo Karangi.

Meri i gat bokis bilong vot

Bustin Anzu i raitim

LONG namba wan taim, ol meri na ol lain husait i gat hevi long skin bilong ol yet long sampela kain sik o hevi (Living with disabilities) bai i gat ples bilong vot bilong ol yet long Nesenel Ilekseen long neks yia.

Long wanpela skul bilong ol ripota bilong Momase, Hailans na Niugini Ailan we kamap long Kokopo, Is Nu Briten Provins na Papua Niugini Ilektral Komisen (PNGEC) i go pas long en, i tok ol meri bai gat bokis bilong makim vot long ol ples bilong vot.

Ol trena bilong PNGEC i tok dispela

em long luksave long ol meri na husat i gat hevi bai gat sans long ol yet i go na makim ol lida bilong ol. Pastaim, ol i no save gat sans long vot long ol lida bilong ol.

Trena Regina Lunge i tok long bipo, ol meri na ol lain husat i save stap wantaim sik i no save gat sans long vot. Dispela em bai no inap kamap gen. Raits bilong ol em i wankain long man na ol yet i mas vot tu.

“Dispela em wanpela nupela we we Ilektral Komisen i kamapim long dispela nesenel ilekseen we bai kamap long neks yia. Ol lain husat i save stap long ples bilong narapela manmeri na i no vot bai

i gat dispela luksave tu,” Mis Lunge i tok.

Lunge i tok long peim nominesen fi bilong ol wanwan kendidet, ol bai peim long Provinsel treseri opis na kisim risit i go long peim nominesen na i no kes mani olsem bipo.

“Pasin bilong peim nominesen fi tu bai senis. Taim ol i laik peim nominesen fi, ol bai baim long Provinsel treseri opis na kisim risit i go long taim bilong vot na i no karim kes mani i go long opis bilong ilektral Komisen long wan wan provins,” em i tok.

Gabriel Kaugla, wanpela narapela trena bilong Simbu, i tok midia em wanpela impoten

Patna we bai wok wantaim ol long dispela nesenel ilekseen we bai kamap.

Ol i kamap olsem namel man bilong PNGEC na ol manmeri na ol i gat bikipela luksave long opis bilong ol.

Kaugla i tok tu olsem ol i painim pinis wanpela nupela rot long rejistaim ol manmeri long givim nem bilong ol yet.

“Wanpela nupela rot we ol i kamapim em long famili lain mas vot. Dispela em olsem papa, mama na ol pikinini i ken sanap long lain na vot. Dispela em wanpela nupela rot ol i stat kamapim long Simbu,” Kaugla i tok.

Matupit papagraun no laikim tok orait wantaim Aislen kampani

Michael Novingu i raitim

OL PAPA-GRAUN long Matupit Ailan

long Is Nu Briten i no wanbel long wanpela MOA o Tok Orait ol i sainim wantaim gavman na wanpela kampani long kantri Aislan (Ice Land) long kari-maut wok painimaut long kisim hat bilong maunten Tavurvur long kamapim Lait o Ilektrisiti.

Tupela wik i go pinis samting olsem 1,000 papagraun i holim wanpela kibung long rausim dispela MOA o tok orait long wok painimaut noken go het

long graun bilong ol.

Siaman bilong ol papa graun Thomas ToBunbun i tok, ol i raitim pas i go long gavman na ol arapela han bilong gavman long stopim wok painimaut noken go het bikos planti papagraun i no klia long Tams na Kondisen i stap insait long MOA.

ToBunbun i tok, tingting bilong ol papagraun long kamap papa long dispela projek, i no stap insait long dispela projek

MOA ol i sainim.

Moa yet, ol i laik rausim MOA long wok painimaut noken go het.

“Mipela i bilip olsem ol i giamanim mipela i no save long wanem samting i stap insait long dispela MOA, nogat wok bung, kibung wantaim ol papagraun long save long wanem kain wok ol bai mekim na husat bai papa long dispela projek,” ToBunbun i tok.

Em i tok, wok bilong Midia em i bikipela samting long kantri bilong mipela long ripo-

tim gutpela na nogut samting i k a m a p l o n g bagarapim sindaun bilong ol manmeri. Kaugla i tok strong long ol niusmanmeri long noken raitim stori ol i harim long arapela manmeri, yu mas lukim sekim stori i stret raitim, salim i go aut long pablik bai lukim na ridim. Em i tok long taim bilong ilekseen, ol kendidet vota bai kisim ol toktok long midia long save long wanem samting i kamap long Papua Niugini.

Em Isi tru long Kisim Fres Prodius Maket Infomesin wantaim ol Digicel Fon

Fres Kaikain	Kod	Yunit
Avokado	AVO	kg
Snek Bin/Frens POM	BEAN	k
Brokoli	BROC	kg
Kabis	CAB	kg
Kerot	CAR	kg
Galik	GAR	Kg
Onion	ONN	Kg
Orens	ORA	Kg
Painapol	PINE	kg
Poteto	POT	kg
Swit Poteto (kaukau)	SPOT	kg

Ol famas na lain bilong baim fres kaikai bai isi tru nau long kisim maket infomesin long ol fres kaikai taim ol i yusim wanpela Digicel mobail fon. Bihainim ol dispela isi rot tasol:

- Presim na raitim kod bilong fres kaikai na larim wanpela spes i stap
- Presim na raitim daun veribel (prais, saplai o kwaliti)
- Presim SEND igo long 4636
- Wanpela text mesej i soim wanem maket infomesin yu laikim bilong ol 8-pela bikipela maket long PNG

Variable
Prais
Sapalai
Kwaliti

Mekim gutpela Prodaksin na Maket Disisen long ol frut na fres gaden kaikai bilong yu

Wantaim maket infomesin i stap pinis, em i ken halivim yu long mekim disisen long wanem kaikai bai yu groim long gaden na kisim, harnas long groim, wanem hap long salim, wanem kaikai na ples bai yu baim.

Long kisim moa infomesin, ringim Help Desk long 72784968/726240973050007/7313059/72635282

Wanpela Gutpela wok helpim em Fres Prodius Developmen Ejensi, Digicel na AusAID i bringim kamap.

Praivet na pablik patnasip i wok long Bereina

LUKSAVE i go long Praivet Pablik Patnasip (PPP) namel long sios na gavman i wok, bihain long Bereina Katolik na gavman stesen i kisim Kundu 2 Televisen sevis.

Teknikel Konsalten long dipatmen bilong Prait Ministia, Noel Mobiha, husat i bin makim nesenel gavman long lonsim Kundu 2 TV sevis na apgretim Nek bilong Peter ToRot redio i bin kamap long Bereina gavman na sios stesen long las wik Sande.

Mista Mobiha i tok gavman i bin kirapim Kundu 2 TV sevis tripela yia tasol i go pinis long ranim ol developmen na edukesenel progrem we bai pipel i ken lukim na harim, na skruim save bilong ol. Tu, dispela i ken helpim ol long skelim ol samting na mekim ol gutpela disisen long laip, stap na wok bilong ol.

Dispela em ol progrem olsem agrikalsa, rais na ol narapela moa, helt na edukesen.

Mista Mobiha i tok Kundu 2 TV i wok long developim ol progrem yet bikos ol progrem em i mas gat em bilong PNG yet na em i no kisim long ovasis.

Em i tok o sampela l progrem bilong ol narapela kantri i wok long bagarapim kantri na wanpela tok piksa em i givim em pipel i save penim ol pes long taim bilong Stet bilong Orijin ragbi pilai.

Em i tok Kundu bai helpim na givim pawa long pipel na stat long las Sande, “Kundu i kam pinis long Bereina Daiosis.

Mista Mobiha i tok amamas long Katolik Sios na moa yet, Bisop Rochus Tatamai bilong Bereina Daiosis husat i wok strong

long kisim signal bilong Kundu 2 TV na gutpela komyunikesen developmen i go long Bereina na sampela hao bilong Kairuku Hiri.

Na em i tok gavman bai sapotim dispela progrem i go moa yet.

“Dijitel TV i stap pinis long hia na dijitel TV i ron nau.

“Bereina bai kamap olsem modol piksa na memba (Aihi Paru) bai givim bikipela jenereta moa na putim entena we stesen na pipel i ken kisim gut Kundu 2 TV na Peter ToRot redis sevis long ol longwe hap moa.

“Bereina i stap long stretpela graun na 65 mita tawa we Kairuku memba, Aihi Paru, i sapotim long sanapim, bai helpim gut komyunikesne developmen long distrik,” Mista Mobiha i tok.

Plen long mekim Oktober 5 pablik holide

Veronica Hatutasi i raitim

SAPOS Kabinet i givim tok orait, Oktober 5 bai kamap olsem pablik holide long dispela kantri, Edukesen Minista, Theodore Zurenuoc, i tok.

Mista Zurenuoc i bin mekim dispela toktok insait long bung bilong samting olsem 200 PNG Edukesen Institut (PNGEI) tisa insevis lain, ol elementeri tisa tren na ol woklain i bin bung long selebretim Intanesenel Tisas de long aste Trinde, Oktober 5.

Em bin tok i gat moa long 46,000 tisa long PNG long

elementeri i go antap long sekonderi level.

Na planti bilong ol i save wok hat tru long ol ruel bus ples we laip i hat, na i nogat narapela gavman sevis i stap long en.

"Yupela ol tisa em ol trupela pablik sevan long dispela kantri.

"Mi tingting long putim tingting bilong mi i go long Kabinet long kamapim Ekt o Loa bai mekim Oktober 5 olgeta yia olsem wanpela pablik holide long PNG long givim luksave i go long ol tisa.

"Tenkyu ol tisa long bildim kantri nau na long bihain

taim," Mista Zurenuoc i bin tokim ol tisa.

Yunaitet Nesens Edukesenel Sientifik na Kalsarel Ogenaisesen (UNESCO) i bin makim Oktober 5 olsem Intanesenel de bilong ol tisa long 1994, bihainim saining bilong givim luksave (status) long ol tisa long 1966.

Dispela de i bilong givim taim long ol tisa long glasim wok bilong ol na sakrifasi ol i mekim long skulim ol pikinini husat bai kamap ol humen kepitel o ol wok manmeri bilong kantri.

Na tu, long tingim ol tisa husat i dai pinis.



SELEBRETIM DE BILONG OL TISA: Sampela ol tisa bilong Sentrel provins i soim tumbuna stail bilong ol. Poto: Veronica Hatutasi



LAIKIM TISA: Eki Vaki Paimereri skul het boi, Dagia Aka na Eunice Yakipu wantaim tisa bilong ol long selebresen bilong de bilong ol tisa long PNGEI. Poto: Veronica Hatutasi

Australia na ADB sapatim ruel helt projek long PNG

WANPELA helt projek bilong Australia na Esia Developmen Benk (ADB) bai helpim samting olsem 1.2 milien pipel long PNG.

Dispela US\$80 milien projek we Australia i putim AU\$40 milien long en bai helpim long sanapim 32 nupela komyuniti pos, stretim na apgretim 128 ruel helt senta na bildim haus bilong 224 helt woklain.

Foren Minista bilong

Australia, Kevin Rudd, i bin tokaut long dispela samting long lukluk raun bilong em i go long wanpela helt senta long Abau distrik, Sentrel provins long wik Sande.

Mista Rudd i bin wok-abaut i kam long PNG long las wik Fraide na go bek long Australia long dispela wik Mande.

Mista Rudd i tok bikipela mak olsem 80 pesen long ol manmeri

na pikinini insait long dispela kantri i save stap long ol ruel eria we i nogat gutpela helt sevis o i nogat. Na pipel i wok long dai long ol sik we ol inap long kisim marasin na ol i ken kamap orait.

Ol pikinini liwok long dai long sik numonia na ol meri i wok long dai taim ol i karim pikinini.

Long wanpela de, 5-pela mama i karim pikinini na i dai long ruel eria na ol ples i

stap longwe long ol bus ples.

Mista Rudd i tok olgeta ruel helt senta bai gat gutpela wara sistem, pawa, toilet na ol medikel ikwipmen.

Mista Rudd i tok moa olsem ol bai gat wok patnasip namel long ol sios na praivet sekta long kamapim gut save bilong ol helt woklain insait long 16 distrik na 8-pela provins long kantri.

Skul kurikulum i mas kisim Kristen edukesen

Veronica Hatutasi i raitim

KRISTEN edukesen na gutpela stretpela pasin i mas kamap olsem hap long edukesen kurikulum bilong dispela kantri long givim gutpela stia na daunim ol korap na stil pasin ol bikipela save manmeri i save mekim, Edukesen Minista, Theodore Zurenuoc, i tok.

Mista Zurenuoc i tok planti stil pasin na korap pasin long dispela kantri em ol bikipela saveman i mekim na dispela i soim olsem ol yangpela pikinini i no kisim gutpela stia long gutpela na stretpela pasin long ples bilong ol. Na ol tisa i gat bikipela wok long givim gutpela stia i go long ol yangpela skul pikinini.

"Yupela ol tisa i save mekim bikipela wok long givim stia long ol yangpela sumatin na ol i ken kamap ol bikipela save manmeri na kamap ol gutpela sit-sen bilong dispela kantri.

"Yumi mas mekim olsem wok bilong yumi long givim gutpela stia long gutpela na stretpela

pasin i go long ol pikinini.

"Taim mi glasim pasin bilong pipel tude, mi lukim olsem ol sumatin i no kisim gutpela stia long bihainim gutpela stretpela pasin. Bikos ol i no kisim gutpela stia, korapsen na stil pasin i wok long kamap we ol manmeri i kisim gutpela na bikipela skul i wokim.

"Olsem kantri, yumi i op long ol kain pasin i no stret bikos yumi no kisim skul long gutpela stia na stretpela pasin.

"I gat bikipela nid long bildim gutpela Kristen pasin na menesim. Long dispela pasin long ples bilong ol. Na ol tisa i gat bikipela wok long givim gutpela stia i go long ol yangpela skul pikinini.

Em i salensim ol tisa long kamapim ol humen risos husat i gat ol gutpela na stretpela pasin na bai ol i ken stiaim na developim gut kantri.

Long wankain taim tupela sumatin bilong Eki Vaki Paimereri skul long

Nesenel Kapitela Distrik i bin wokim toktok na ritim poem we i bin autim luksave ol i gat long ol tisa.

"Mi gat bikipela luksave long ol tisa we yupela i man tu na i no masin.

"Mi lukim yupela olsem bikipela moa long ol king na kwin, praim minista na ol narapela bikipela lain bikos yupela ol tisa yet i bin skulim na stiaim na givim ol save," het boi, Dagia Aka i tok.

Eunice Yakipu i bin toktok long "over-crowding" o planti sumatin tumas na ples i paspas bikos i nogat inap klasrum na tu, hevi long tisa i sot.

"Ples i pas pas bikos i nogat inap klasrum o tisa i save mekim ol sumatin i no skul gut, givim moa wok long ol tisa husat i no save kisim gutpela pe," Eunice i tok.

Em bin tok i moa-beta long gavman i lukluk long edresim hevi long haus bilong ol tisa na pe.

I bin gat ol selebresen long luksave long de bilong ol tisa long ol narapela hap bilong kantri tu.

Prait ov PNG awot kamap klostu

TRIPLELA wik tasol i stap Ina long holim Prait of PNG resis awot.

Dispela resis i givim luksave long ol meri long PNG husat i save mekim ol bikipela na gutpela wok insait long komyuniti, wokples, provins na kantri, tasol ol i save kisim gutpela luksave.

Siti Famasi grup kampani i kamapim Prait of PNG awot resis

5-pela yia i go pinis na nau, sampela ol narapela kampani i save givim sapot long lukim olsem dispela gutpela resis i ron i go yet.

Maketing Menesa, Prue Go, i tok planti lain stret i putim nominesen long stap insait long 2011 Prait of PNG awot na mak i go antap long 403 ol nem i stap long nominesen lista.

Em i tok dispela em i bikipela

namba long kisim planti nem taim dispela resis i bin stat 4-pela yia i go pinis.

Mis Go i tok em i amamas long kisim planti nem bikos dispela i soim olsem planti lain i luksave long dispela awot n a wok we ol meri i mekim.

Sikspela jas long dispela resis ol i makim ol long dispela yia i bung long las wik husat i gat

bikipela wok tru long glasim na salim ol nem i stap long resis na kisim 6-pela meri tasol husat bai win long wan wan 6-pela eria olsem "Bravery and Courage" o ol strongpela meri, "Care & Compassion" o soim sori pasin na lukautim, "Young PNG" o yangpela PNG, "Community Spirit" o save gat bikipela intres long wok wantaim komyuniti, Edukesen na rol modul o soim gutpela piksa na

Environmen.

Siti Famasi i bin kirapim dispela awot resis long 4-pela yia i go pinis, long givim luksave i go long ol meri insait long ples, komyuniti na kantri husat i save mekim ol gutpela wok, tasol nogat lain i givim gutpela luksave i go long ol.

Ol midia patna olsem Post Courier na PNG FM i sapotim Siti Famasi long dispela luksave awot resis.

Raun Lukim ol Meri na Pikinini:



BELOTAIM MALOLO: Tupela nes i wok long Buka Haus sik i raun painim lans kaikai na ol narapela samting long Buka Maket. *Poto: Veronica Hatutasi*



ASPLES: Hailans rijen em asples stret bilong bilum, olsem yumi lukim hia long Goroka maket we ol kain stail bilum i hangamap, na wangepela turis meri i raun painim na baim bilum i stap. *Poto: Barbara Tomi*



OL BEREINA PIKININI: Sampela long ol pes yu ken lukim long Bereina Katolik Sios stesen. *Poto: Veronica Hatutasi*



SAPOTIM OL PASTO: Freida Max em i meri bilong het pasto bilong Siassi Evangelikel Luteran Distrik long Madang provins i bin stap long ELC/PNG Pastos konprens i bin pinis long Mosbi long las wik Sande.

Save i Ken Helpim:

Yu ken kuk moa gut sapos yu:

■ Plenim wanem samting bai yu kukim insait long wangepela wik na baim tasol ol ingridien o ol samting bai yu kukim long dispela wik.

■ Mekim ol ekstra olgeta taim na putim long dip frisa ol hap kaikai bai wokim long lans- bai yu sevim taim na mani.

■ Yusim ol kaikai yu lusim - Rais yu lusim, yu ken praim na wokim prai rais o yu ken yusim long salet na yusim mes o mekmek potato long pis keik.

I kam long Nature & Health megesin, Julai 2011

GLOBE

....the perfect choice

VITAMIN ENRICHED

More Easy, More Tasty, More Healthy.





Yut, Meri na Famili wantaim Lorraine Siraba

Ol pikinini bilong rot

WANPELA wok risets we Komyuniti Developmen Dipatmen i bin lonsim long sotpela taim i go pinis, i bilong ol strit pikinini bilong PNG o ol pikinini bilong rot.

Dispela wok risets i bin soim olsem long dispela taim, planti pikinini i wok long lusim ples bilong ol na raun i slip long rot.

Mi bilip olsem olgeta manmeri long PNG i mas save long dispela ripot long wanem, em i soim olsem pasin bilong yumi long ol pikinini i no gutpela. Tu, dispela ripot i soim olsem kastom pasin bilong yumi ol PNG we ol famili, hauslain na wanpinis i save helpim wanpela narapela i no moa wok gut, tasol em i wok long bruk.

Wok painim i soim olsem i gat moa pikinini manki i raun i stap long strit long ol taun na siti, winim ol pikinini meri, na moa pikinini krismas bilong ol em long 13 yia i go antap, winim ol dispela we krismas bilong ol i stap aninit long 5 yia i go daun. Planti long ol dispela pikinini i nogat gutpela skul, o i no go long skul. Planti bilong ol i save stap wantaim ol papamama bilong ol na sampela i save stap wantaim ol hauslain. Bai yu lukim olsem pikinini PNG husat i wok i save stap wantaim ol hauslain na em i lusim skul long wok.

Planti ol pikinini i save i save stap raun long strit o rot bikos long sampela samting i mekim ol i lusim haus, olsem "peer pressure" o bihainim ol wanlain poroman bilong ol o laip ausait long famili i gutpela moa. Ol samting we i mekim ol pikinini i lusim haus na go long strit em ol samting olsem, famili i no mekim gut long ol, hangere, laikim mani, wanpinis pait, sindaun insait long famili i no gutpela we papamama i kros na pait. Long planti ol pikinini, dispela em ol samting we i mekim ol i lusim haus.

Wanpela samting tasol ol i laikim em gutpela ples we ol bai stap amamas na skul fi long go long skul.

Ples long stap amamas long en na skul fi i no wanpela bikpela askim i kam long ol pikinini. Tasol ol dispela samting em ol besik nid we olgeta pikinini i mas i gat long develop o kamap gut long fisikel, mentel o tingting na sosel sait tasol dispela ol samting i no stap long planti famili haus tude. Ripot i soim moa olsem long Lae na Mosbi, ol famili i fosim planti ol pikinini long go aut long ol strit na "beg" o sindaun long ol strit o stoa kona na askim long mani samting bilong helpim lukautim famili long en.

Wok painimaut i bin toktok long wanpela liklik meri bilong Sentrel provins i gat 11-pela krismas na em i sindaun long strit na askim long mani samting husat i bin krai na tok olsem em i no laik mekim dispela wok, tasol papamama bai paitim em sapos em i no laik. Narapela liklik manki i bin tok papamama bai rausim em long haus sapos em i les long go aut lon g pablik na askim long mani.

Tasol, gavman i gat loa pinis i lukautim na promotim gutpela stap bilong ol pikinini. Dispela em Lukautim ol Pikinini Ekt o Loa bilong 2009. Seksen 132 bilong Ekt i tok olsem: "Wanpela man, maski em i papa o mama bilong wanpela pikinini i nogat gutpela as na i no lukautim gut pikinini long givim em kaikai, klos, ples bilong slip long en, marasin taim em i sik, i gilti o em i brukim loa em i rong stret. Penelti o mekim save long brukim dispela em K,2000 o go long kalabus long 12-pela mun.

Em i taim nau long karimaut ol wok awenes na ol manmeri i ken save olsem i gat loa i stap we i givim mekim save long ol papamama o husat moa i no mekim wok bilong em long lukautim pikinini. Wankain tu, manmeri i no mekim samting long ripotim dispela bai kisim mekim save tu.

Ol pikinini i krai long helpim na ol papamama wantaim ol was papamama i mas kisim mekim save sapos ol i no mekim wok bilong ol long lukautim gut ol pikinini.



OL PURPUR MERI! : Dispela lain meri grup bilong Morobe provins i gat bikpela intres na groim ol kain purpur o flawa i amamas long stap insait long wanpela woksop long skruim save bilong ol long lukautim ol purpur. *Poto: Barbara Tomi*

PNG SUSTAINABLE DEVELOPMENT PROGRAM LTD



PNGSDP bekim singaut long go bek long graun na strongim ol yut Yumi lukluk long - Emmaus Farm long Kiunga



Planti ol komyuniti bilong yumi long kantri i stap ol ples we i nogat gutpela sindaun bilong kaikai, bikos planti ol kaikai bilong ol arapela kantri i wok kam insait na senisim tumbuna kaikai bilong yumi. Gutpela developmen i mas gat gutpela kaikai sekyuriti o banis, na rot bilong abrusim laikim bilong ol kaikai bilong arapela ples. PNG i gat nem long sindaun long graun wantaim ol stori bilong bipo we i soim olsem save bilong mipela long wok gaden em i namba wan kain wok gaden long wol. Yumi wok long senis wantaim swit na laikim bilong ol kaikai bilong ol arapela ples. Long wankain taim, ol yut bilong PNG tude i lusim save bilong groim ol tumbuna kaikai, o i no inap long groim ol kaikai bilong ol arapela kantri.

Wanpela progreem bilong PNGSDP em long lukluk long kaikai sekyuriti long komyuniti na haus level. Olsem wanpela ogenaissen i lukluk long developmen, mipela i tingim tu olsem long mekim kamap senis, moa luksave i mas stap long strongim sindaun na mak bilong gutpela kaikai bilong inapim gut ol pipel bilong yumi.

Long 2008, bihainim askim bilong Katolik Sios long Kiunga, PNGSDP i bin gat sans long opim mak bilong Emmaus Fam bilong ol. Wanpela fam infrastraksa projek i bin kamap wantaim manimak K203,000 bilong sanapim wanpela haus silip bilong ol sumatin, haus kaikai, klasrum, ausait haus kuk, bekari o haus bret, opis, wara saplai sistem, na mani bilong redim graun na baim ol sid, na sanapim banis.

5 kilomita ausait long Kiunga taun, em Emmaus Fam nau em i kamap ples bilong ol yangpela man husat i laik skul agrikalsa, laipstok na kisim save long mekim mani long graun bilong ol, na tu long inapim laik bilong ol long hatwok long graun bilong ol olsem ol fama. Ol yangpela man i bin bungim han long sanapim biding infrastraksa. Ol i bin kamapim ol agrikalsa na marit save we ol i kisim skul long sampela kwalifait volandia manmeri i givim teknikal stia tok long ol.

Long 2010 yet i kam, moa long 100 yut i bin kisim save long strongim graun bilong groim rais, ol kumu bilong asples yet na bilong ol arapela ples, na prut bilong fidim ol yet na ol famili bilong ol, na go salim long ol lokol maket na hotel. Ol arapela skul ol i kisim em long binen faming, mekim pinat bata, kakaruk faming bilong kiau na mit, pis raunwara, mekim wel wantaim kokonas na welpam, yusim ol nupela teknik o rot bilong wasim saksak na tapiok, groim igelwud, stretim ol wilwil, ol masin bilong somap, ol su, wok kapenta, na groim okit flaua na planti moa yet taim projek i kamap.

Tude, 27% bilong ol pipel i stap long Kiunga, i wok gaden. Wantaim bikpela developmen i wok kamap long taun, agrikalsa i mas go pas long kamapim kaikai sekyuriti na opim rot bilong moa pipel long wokmani long graun bilong ol. Asbilip bilong Emmaus Fam, em long halivim ol treni i kamap self-rilaien, o inap long lukautim ol yet, na wok moa insait long developmen bilong ol famili na komyuniti bilong ol.

PNGSDP i amamas long kamap bilong dispela wok.

Ol opisal namba i tok klostu 90% bilong olgeta manmeri long PNG i stap long ol rurel eria. Tasol mi ting olsem dispela namba bai senis sapos yumi lukluk long mak bilong groa bilong wan wan rural komyuniti i wok long sindaun moa long ol kaikai mipela i kisim long ol arapela kantri. Dispela pasin i wok long strong moa long ol rurel eria we bikpela hap bilong ol non-riniuabel risos projek i wok long tromoi mani i go insait long ol lokol komyuniti. Mipela i noken malolo long tingting olsem bikpela namba bilong ol pipel bilong yumi i stap long ol rurel eria, bikos em i no min olsem ol i stap sindaun long han na tuhat bilong ol stret. Wanem samting bai kamap? Yumi bai kirapim bikpela moa surik bilong ol manmeri long ples i go long taun.

Mipela i tok tenkyu long olgeta patna bilong mipela, Katolik Sios long Kiunga, na ol foren dona long Keneda (Canada), na Yurop (Europe), long stap insait long dispela bikpela projek na wok model.

I kam long ofs bilong CEO (Article #13 bilong 2011)



CEO: David Sode

Ol ripot long lonsim Kundu 2 TV stesen na apgretim Peter ToRot Redio long Bereina Daiosis wantaim Veronica Hatutasi.

Bereina nau i ken lukim Kundu televisen

Bereina stesen na daiosis i kisim Kundu 2 sevis na intanet

OL pipel bilong Kairuku-Hiri Iilektoret na moa yet, Bereina distrik long Sentrel Provins, i ken lukim na kisim gut ol nius na ol narapela televisen program long ol samting i kamap long PNG na ovasis long haus bilong ol yet na tok tenkyu i go long Bisop bilong Bereina, Bisop Rochus Tata-mai MSC na Kairuku Hiri memba, Aihai Paru.

Tu, ol i ken harim gut ol sios na ol sosel developmen nius na program long "Voice of Peter ToRot Redio" stesen bihain long ol i apgretim dispela redio stesen long wiken.

Dispela tupela samting i kamap bihainim lons bilong Kundu 2 Televisen stesen na apgretim Voice of Peter ToRot Redio long las wik Sande Oktoba 1 long Bereina Sekret Hat Katitrel graun.

Samting olsem 200 Katolik pipel long daiosis, ol woklain bilong Bereina daiosis i wok

long Mosbi opis na ol famili bilong ol, Bisop Rochus, peris pris Pater Paul Guy na ol narapela woklain bilong peris na daiosis, Kairuku Hiri memba, Paru Aihai, ol lain i makim gavman, distrik na lokal level gavman na ol media i bin stap insait long seremoni bilong lonsim dispela komyunikesen netwok program bai kamapim gutpela developmen insait long Bereina na Kairuku Hiri Distrik.

Long ol toktok bilong em insait long Sande lotu sevis bipo ol i lonsim dispela komyunikesen rol aut program, Bisop Rochus i bin tokim moa long 150 bilip manmeri olsem taim em bin kamap bisop bilong Bereina long 2008, em bin wokim bikpela tingting long kamapim sampela developmen insait long daiosis na distrik. Na wanpela long ol em bringim gutpela komyunikesen sevis bai mekim ol pipel i lukim na harim ol samting long redio na televisen na dispela i ken

strongim ol long save na wokim gutpela samting long laip na sindaun bilong ol.

"Mi bin tok Bereina Daiosis bai kam bek. Yumi ken lukim nau olsem yumi wok long kam bek long kamapim senis na kisim developmen insait long distrik.

"Taim pipel i kisim save ol i ken go insait long ol wok developmen na kontribut long ol wok go het bilong kantri.

"Moa long 125 yia i go pinis, i bin gat gaden long Bereina Daiosis na distrik we i wok na ron gut. Ol samting i bin stop long wok na ron gut, tasol nau, gaden i kamap gen we yumi olsem ol pilgrim i wokabout long inapim laip long mak God i laikim long en," Bisop Rochus i bin tok, bihainim ol rit na Gutnius bilong Sande las wik.

Bisop Rochus i bin tokim kongriksen olsem memba bilong ol, Mista Aihai, i givim gutpela sapot wantaim mani long dispela projek bilong daiosis we i stap pinis, tasol ol i



PETER TOROT REDIO: Pater Zidslav Mlak i tanim redio stesen we i kisim moa strong long go aut long ol maunten nan nambis eria we pipel i ken harim. *Poto: Veronica Hatutasi*

opiseli lonsim na tanim tawa na ripita masin long tokim pipel olsem ol i ken kisim Kundu 2 Televisen nius, ol dokumenteri na ol narapela program long save long ol samting i kamap insait long kantri yet, na wol.

Bereina Distrik em i namba tri long 79 distrik long kantri i kisim Kundu 2 TV komyunikesen televisen rolaut program. Narapeal tupela distrik em long Aitape long Sandaun na Marienbeg long Is Sepik provins.

Em i tok dispela long

Bereina em i wok patna projek namel long sios na gavman wantaim as tingting long lukim developmen i go long pipel long ol ruel eria.

Bisop i tok em bai go het long kirapim bek Bereina stesen long lukim olsem pawa i ron de na nait long Bereina na pipel i kisim redio na TV sevis.

Bisop Rochus i tok pasolaut em i go wok long lukautim Bereina Daiosis na insait long 4-pela yia taim, i bin gat antenna tasol long kisim redio na TV komyu-

nikesen na bihain, ol i putim mambu na 2 ins paip na nau ol i gat tawa.

Taim em i tok tenkyu long teknikel lain i helpim em long kisim gutpela komyunikesen i go long Bereina na Kairuku Hiri Distrik, em i tromoim askim long ol lain i bung long hap wanem samting ol i mekim wantaim mani ol i kisim long wok o salim ol samting, long kamapim gut laip na sindaun bilong ol.

Bereina pipel i kisim salens

SALENS i go long ol pipel insait long Bereina Distrik long ol yet i baim ol televisen bilong ol na yusim komyunikesen sevis we sios na gavman i wok wantaim long putim kamap long Bereina stesen.

Memba bilong Kairuku Hiri, Paru Aihai, i wokim dispela toktok long lons o opim bilong Kundu 2 TV sevis tawa na apgretim Voice bilong Peter ToRot redio net-

wok long Bereina Katolik stesen long las wik Sande.

Lonsing i nau lukim Bereina Daiosis, stesen na ol ples klostu i kisim Kundu 2 Televisen sevis, ol nius, ol dokumenteri, ol entateimen na ol narapela program i kamap insait long PNG na wol.

Mista Aihai i bin givim K150,000 long karimaut ol wok bilong sanapim tawa na Visat lonsim Kundu 2 sevis na Voice of Peter ToRot Redio we Bereina Daiosis i bin kamapim olsem wanpela projek bilong em long kisim gutpela TV na redio komyunikesen i go long ol pipel bilong Bereina na Kairuku Hiri Iilektoret.

Mista Aihai i tok em i bikpela samting long Bereina Distrik long kisim dispela sevis na ol i ken lukim sampela wok kamap we komyunikesen sistem olsem televisen na redio i bringim long ol.

"Dispela em i bikpela samting mi sapotim long taim mi kamap olsem palamen memba bilong Kairuku Hiri ilektoret. Em i hap bilong gavman rolaut o kisim dispela sevis i go aut program long ol distrik bilong dispela kantri na Bereina em i namba tri distrik long go hetim dispela komyunikesen program. Program i ron gut na mi pilim olsem samting mi mekim long

sapotim dispela program em i stret," Mista Aihai i tok.

Em i tok Kundu i save ranim ol program long ol wok go het i kamap long dispela kantri ol pipel i ken lukim, harim na mekim.

Em ol gutpela edukesensel program olsem pigeri o lukautim pik, wok long raba, ol narapela agrikalsa na pis projek na ol narapela program moa we PNG pipel i ken kisim gutpela skul long ol na bihainim.

Em i tok ol pipel long Bereina Distrik na Kairuku Hiri Iilektoret i stat long ples Bakoiudu i go olsem long not Mekeo na i go olsem long Kivopri na Roro inap long kisim Nek bilong Peter ToRot redio na ol program, na Kundu 2 TV sevis bilong strongim pipel na givim ol stia long spirituel, fisikel na sosel sait.

Mista Aihai i tok sapot bilong em long bringim gutpela komyunikesen na wok wantaim Katolik Sios long bringim developmen i go long pipel bilong Bereina na Kairuku Hiri i no pinis hia, tasol em bai go long pipel bai go het yet.

Em i tok em bai sapotim wok bilong sanapim 65 mita tawa i ken kisim Kundu 2 TV signal i go long ol longwe ples moa ausait long Bereina stesen.



OPIM: Bisop Rochus Tataamai na Kairuku Hiri memba, Aihai Paru, i katim riben long opim Kundu 2 TV sevis, intanet na apgretim Peter ToRot redio long Bereina stesen las wik Sande.

Poto: Veronica Hatutasi



LUKLUK NA HARIM: Ol pipel i bung ausait long Bereina Katolik haus lotu long stap in sait long lons seremoni. *Poto: Veronica Hatutasi*



TOK PISIN NEWS
from Radio Australia

radioaustralia.net.au



Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Raunwin inap bringim ol tait- wara long Filipins

OL opisal long Noten Filipins i tok lukaut long pipel olsem, ol bikipela taitwara na graun bruk i ken kamap bihainim kamap bilong namba tu taifun oa raunwin em i bin wok long hamarim kantri wanpela wik.

Wanpela man i dai pinis na ol i halivim planti tausen pipel husat i bungim bikipela bagarap pinis taim Taifun Nalgae i kamap long dispela rijen we pipel i bin wok long stretim ples tasol bihainim ol strongpela win i kam long Nesat.

Dispela taifun nau i go long Vietnam na Hainan ailan bilong Saina.

Ol Indonesia i arestim wanpela long tupela top teroris

INDONESIA i arestim pinis wanpela long tupela man ol i save lukim olsem ol top teroris em ol i wokim ol suisait bom.

Polis i tok nem bilong man ya. Beni Asri i stap namel long ol nem ol i gat bilong ol man i bin

Pairapim ol suisait bom long wanpela haus lotu long Solok long wik i go pinis, na narapela long wanpela polis mosk faifpela mun i go pinis long Cirebon.

Wanpela mausman i tok ol i bin arestim dispela man long Solok siti long Sumatra ailan tasol ol i no tok wanem taim stret ol i bin arestim em.

China i tokim Burma long pro- tektim ol Saina kampani

SAINA i salim strongpela toktok i go long Burma bilong askim em long protektim rait bilong ol Saina kampani, bihain long gavman i bin stopim wok bilong mekim wanpela dam o banis wara em



Strong bilong monsoon taim nogut ken bagarapim ol haus tempol

REN i ken birua. Wanpela man i pul long bot bilong em namel long ol tempol long Wat Chaiwatthanaram, long Ayutthaya provins long Tailen. Ol dispela tempol, em ol i gat luksave olsem wanpela UNESCO Wol Herites Sait. Em i stap 80 kilomita not bilong Bangkok. Planti i ting ren na haiwara bai bagarapim ol.

Saina i sapotim, kos bilong en bai 3.6 bilian dola.

Presiden bilong Burma, Thayne Sen i bin givim oda long ol kampani i wokim dispela dam long Irrawaddy River long stop, bihain long pipel i tok ol i no laikim dispela dam.

Ol envairmentalis, o pipel i save kempen bilong lukautim envairnmen, i tok lukaut olsem dispela projek bai karamapim wanpela eria bikipela bilong en olsem bikipela bilong Singapore, long wara tasol, na bai karamapim planti files na rausim samting olsem ten tausen pipel em ol i save stap laip na sindaun long dispela eria.

Sampela lain i holim wanpela Iuropian disebol meri long Kenya

BRITEN na Frans i tokim pipel bilong ol husat i save go raun lon g Kenya long Afrika, long was gut bihain long sampela lain i bin kidnepim o holim pasim wanpela disebol Frens meri las wik.

Ol i bin holim pasim em long wanpela nambis we pipel i save go holide klostu long Lamu Ailan, na karim em long wanpela bot i go long Somalia.

Wanpela mausman bilong

Kenya polis, Charles Awino, i tok ol i mekim olgeta samting ol i ken bilong painim dispela meri.

Australia Foren Minista i pinisim tupela de lukluk raun long PNG

AUSTRALI Foren Minista, Kevin Rudd, i pinisim tupela de lukluk raun bilong em long Papua Niugini.

Taim em i stap long PNG, em i bin bungim ol lida bilong toktok long ol bikipela hevi olsem long edukesen, helt na infrastraksa divelopmen.

Mista Rudd i sakim ol toktok bilong Australia Oposisen mausmeri, Julie Bishop, husat

i bin tok, bai gutpela sapos Australia i strongim wokbung wantaim PNG wantaim aidia long strongim ekonomi bilong en na tu bilong luksave long PNG olsem wanpela pren long rijen.

Mista Rudd i tok nogat, na i tok em bai gutpela moa long strongim dispela wokbung wantaim PNG long aid na gutpela na stretpela pasin.

Mista Rudd i tok em i no lusim bikipela taim tumas long toktok long Manus Ailan ditensen senta taim em i stap long PNG.

Tasol em i toksave olsem, Australia gavman bai givim 40 milian dola long wanpela PNG progrem bilong kamapim gut helt sevis raun long kantri.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Sekim na kalabusim ol lain i paulim mani

GUTPELA long harim olsem gavman i kamapim ol wok painimaut go insait long ol bikpela mani bilong kantri we i lus nabaut long kainkain wok na projek we i no bihainim stret rot o Loa na tu nogat rekot long ol wok we mani i go long ol.

Yumi save harim planti ripot na toktok long pasin bilong korapsen o stilim na paulim mani bilong kantri olgeta taim tasol yumi no save lukim tru husat i asua na go long kalabus.

Dispela em long bipo yet i kam yumi harim tasol na bel hat na toktok kros nabaut.

Sampela taim i go pinis yumi harim olsem ol politisen i bin sutim tok long ol pablik sevens we ol save i save paulim ol mani bilong kantri wantaim ol giaman ripot na pepa wok nabaut.

Dispela wik yumi harim olsem bikpela wok painimaut insait long dispela K125 milien bin go long Kokopo em polis i holim



wanpela olupela politiks man pinis long askim em na sekim ol rekot na wok dispela mani i go long en. Polis i laik toktok wantaim tu memba bilong Kokopo Paul Tiensten husat bin minista bilong Nesenel Plening husat i go pas long pasin bilong givim aut mani long ol projek insait long kantri.

Aste ripot i kamap olsem polis i sasim wanpela bikmeri bilong Nesenel Plening long stap insait long mekim ol toktok long kisim aut ol mani long Nesenel Plening opis.

Poin bilong tok mi laik autim hia em pasin bilong sutim tok long pablik sevens olsem ol i save makim giaman pepa wok long kisim bikpela mani kam aut long gavman.

I no gutpela long sutim tok tasol long ol wokman bilong pablik sevens bikos

pawa bilong mekim disisen long givim aut mani go long wanem kain wok na projek em stap wantaim ol memba na minista long haus palamen.

Minista i gat pawa long tok orait long wanem kain wok mas kamap na amas mani mas go long en. Em gat pawa tu long rausim ol wokman bilong gavman na putim husat wokman em ting bai wok gut na wok poroman wantaim em. Olsem na yumi ken lukim olsem dispela kain pasin inap kamapim hait wok we Minista na opisa ken mekim na oraitim mani long go long en. Ol bai wanbel na mekim sampela kain projek o wok we mani bai go long en tasol yumi no klia dispela projek em trupela projek bilong helpim sindaun bilong pipel na kantri o nogat. Na wanem kain kampani o kontrak lain bai kisim dispela mani long mekim wok? Planti hait na paul o korap pasin save kamap long dispela rot.

Olsem na noken sutim

tok tasol long ol pablik sevens. Hevi tu em memba na minista bilong palamen save go pas long en long kamapim. Planti taim em tupela sait wantaim save pasim tok na mekim samt-ing.

Gutpela long bikpela wok painimaut wok long kamap nau na sapos husat memba o lida i bin paulim planti mani bilong kantri pinis, orait holim em na sasim em na Kot mas mekim save long em na kalabusim em.

Dispela inap sanapim piksa bai kain pasin olsem noken kamap moa long bihain taim bikos ol lida bai pret long wok painimaut bai kamap na holim ol.

Tingim, planti milien kina bilong kantri i save paia nating long kain giaman na hait wok we ol yet bai kisim na mekim bisnis bilong ol wantaim. Planti mani i lus long ol kainkain pepa wok we yumi ol liklik manmeri i no inap luksave na klia long en.

Sekim olgeta lain na kamautim ol na kalabusim ol.

WANTOK KOMENTRI

Tingim ol tisa tu

'TISA WE?'

Dispela askim, em i askim we planti papamama na sumatin long ples i save askim.

I gat planti stori i kamap olsem sampela tisa i no save kisim pe long olgeta potnait. Na planti taim, ol dispela stori i no save popaia.

Wok tisa, em i no wanpela wok bilong kisim potnait tasol.

Nogat.

Manmeri husat i go skul long kamap tisa, em i man o meri husat i gat bilip olsem save ol i gat, ol i ken givim long ol yangpela, bai em i ken helpim ol.

Dispela tingting, i save stap long bel tru bilong olgeta tisa bilong yumi long kantri.

Na dispela wik, long nesenel tisa de, bikpela luksave bai go long ol lain husat i stiaim planti long yumi, na planti long ol pikinini bilong yumi.

Bihain long papamama bilong yumi, ol tisa em ol i skulim mipela long olgeta samting long laip, wok, na sindaun.

Nau nesenel gavman i tingting long senisim edukesen skul kurikulum, na kirapim fri edukesen, dispela wok bilong skulim na stiaim gut ol pikinini, em bai kamap bikpela moa.

Planti papamama bai salim ol pikinini bilong ol i go skul aninit long program bilong gavman.

Ol tisa bilong yumi, wantaim halivim bilong edukesen dipatmen, i mas luksave long laik bilong gavman, na tu, wan wan papamama, long givim edukesen long pikinini.

Planti taim, ol pikinini bilong yumi i no save kisim gutpela skul, bikos tisa bilong ol i no kisim pe long tupela mun olgeta, o em i lusim ples na skul long go kisim potnait, o malolo taim pe bilong en long taun.

Sapos gavman i bilip strong long kamapim gut edukesen sevis bilong en, em i mas stretim gut sindaun bilong ol tisa.

Sapos ol tisa i no stap, planti long ol yangpela husat i go skul, bai no inap long kisim skul, em i gat rait long kisim.

Tingim tisa, tingim sumatin, na tingim komyuniti.

Planti long ol hevi ol yangpela bilong yumi i karim o kamapim tude, em i bihainim strong bilong skul ol i kisim long haus, na long klasrum.

Yumi mas tingting long sindaun bilong famili, na kantri bilong yumi long bihain taim.

Gavman i noken abrus.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager:
Elizabeth Konga

Editor:
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Evangelical Lutheran Sios bilong Papua Niugini Namba 9 Nesenel Konfrens saplimen



Praim Minista O'Neill tok amamas long wok bilong sios



Praim Minista Peter O'Neill

James Kila i raitim

PRAIM Minista, Peter O'Neill I givim bikpela tok amamas ol sios long kantri long ol sevises ol save givim long ol pipel bilong PNG.

Mista O'Neill I mekim dispela toktok fran long ol Evanjelikol Lutheran Sios bilong PNG (ELC-PNG) Nesenel Pasto Konfrens.

Dispela konfrens long Mosbi em Papua Distrik I ogenaism na em namba wan taim tru I lukim ol pasto bilong 17-pela distrik bilong ELC-PNG I kam wantaim ol meri bilong ol.

Praim Minista I tok olsem sapos wok bilong Sios I no bin stap, Papua Niugini bai I no inap kamap divelop olsem tude.

Em I bin mekim dispela toktok long Tok Pisin stret, na ol pasto I amamas tru na I paitim han na amamas tru. Praim minista O'Neill em yet em wampela pikinini Lutheran na em namba wan man tru insait long dispela Sios long kamap Praim Minista long kantri.

Em I tok PNG em wampela strongpela indipenden kantri tude, tasol ol Sios I stap fran tru long planti ol sevises I go long ol rural eria long kantri, we planti taim gavman sevis I no stap.

Em I tok gavman long pastaim I bagarapim mani we em I kisim na dispela I lukim olsem mani sapot I go long helt na edukesen I go orait na rot long planti rurel ples insait long kantri I bagarap.

"Kantri bilong yumi insait long las 9-pela yia I lukim bikpela gro long sait long ekonomi,

"Mipela I kisim planti moni I kam insait long paus bilong gavman, planti long ol I kam long ol



Ol ELC-PNG pasto rere long go insait longSe John Guise stadium long stat bilong bung.

agrikalsa komoditi na ol mineral expot. Tasol planti bilong yupela bai askim olsem bilong wanem as tru na nogat samting o wok I kamap insait long ol viles na distrik bilong yu.

"Bilong wanem tru na ol rot I bagarap. Bilong wanem na ol klinik na helt senta bilong yu I nogat marasin. Bilong wanem as tru na ol klasrum bilong ol sumatin I bagarap. Bilong wanem as tru na ol tisa na polis man I no gat gutpela haus?"

"Ansa em simpel tasol. Mipela I no yusim gut mani yumi kisim olsem blesing," Praim Minista O'Neill I tok.

Mista O'Neill I tok taim gavman bilong em I kam insait long Ogas 2 em I kamap gavman bilong olgeta lain na i no bilong ol lain I gat pawa tasol.

Em I tok gavman bilong em I gat liklik taim bipo long neks jeneral ileksen, tasol I wok long putim faundesen long senis I ken kamap na bikpela lukluk bilong gavman nau em long fri-edukesen.

Mista O'Neill I tok kantri bilong yumi bai I no inap senis sapos yumi nogat planti ol saveman meri. Em I tok edukesen bai fri I go inap gret 10 na ol dispela lain husat I lusim skul.



Bisop long namel wantaim ol arapela pasto long bung.



Evangelical Lutheran Sios bilong Papua Niugini Namba 9 Nesenel Konfrens saplimen



Ol pasto bilong Yabim distrik na Niugini Ailan i bin raun i go long Porebada viles long lukim ples na kisim kaikai we Songan Kelly Naru i ogenaism.

Ol Lutheran pasto na meri raun lukim ol Motu viles

James Kila i raitim

MOA LONG 2000 ol Kristen manmeri bilong Evanjelikol Lutheran Sios bilong PNG (ELC-PNG) husat i bin bung long Namba 9 Nesenel Pasto Konfrens i amamas long lukim Mosbi siti na stap bung na stretim ol wok bilong ol insait long ol miting na toktok bilong ol.

Het tok bilong dispela bikipela kibung bilong olgeta pasto insait long Papua Niugini em "Christ in the Family" o long Tok Pisin em "Krais insait long Famili". Dispela namba 9 konfrens em Papua distrik bilong ELC-PNG i go pas long ogenaism.

Ol pasto bilong olgeta 17-pela distrik bilong ELC-PNG long kantri i bin go bung long Mosbi long dispela nesenel pasto konfrens.

Sampela gutpela program aut-sait long miting bilong ol pasto em taim ol pasto I bin raun I go lukim Nesenel Palamen Haus. Planti I save harim nem tasol na lukim long piksa, tasol go bilong ol long Nesenel Palamen I bringim bikipela amamas tru long ol.

Narapela samting we I gutpela em raun bilong ol pasto em taim ol I lukluk raun I go long ol Motu viles,

Porebada viles, wanpela bikipela Motu viles long las wik Fraide I bin amamas long lukim moa long 300 lain bilong Yabim distrik na NGI husat I bin raun I go long viles bilong ol.

Dispela konfrens bilong ol pasto long Mosbi em spesel tru na bikipela tok amamas I mas go long lain I ogenaism olsem Kodineta Pasto Gundu Kagl Guenu, seketeri Peter Aglua,

Patron em Se Arnold Amet na ol arapela olsem Reveren Somi Setu, Jacob Numapo, Gusu Tuina, Kelly Towap, Kerenga Kua, Kelly Naru na ol arapela gutpela Kristen long Mosbi.

Dispela ol wokman bilong sios husat sampela long ol i save wok long ol longwe ples tru insait long bus i bringim ol meri bilong ol long Mosbi long stap insait long dispela konfrens. Planti ol meri bilong pasto turangu i no save flai long balus long bipo na go bilong ol long Mosbi em nupela ekpiriens tru.

Het Bisop bilong ELC-PNG, Giegge Wenge i tok olsem insait long dispela konfrens planti bikipela toktok i bin kamap we i lukluk moa long wok bilong ol femili na wanem rot we i bihainim Kristen bilip long daunim ol hevi nau i wok long kamap insait long planti ol femili long kantri

bilong yumi.

Luteran Sios long PNG i gat samting olsem 1.2 milien manmeri, na dispela bikipela konfrens long Mosbi i glasim ol eria long wok bilong Kristen Sios long givim gutpela stia na tok insait long Baibel we i bihainim Kristen bilip na pasin bilong Jisas Krais long daunim ol hevi na pasin nogut we i save kamap namel long ol femili.

Het Bisop Wenge i tok sampela samting ol i mekim toktok i sut long wanem ol hevi we ol femili i save bungim na wanem rot long stretim na daunim ol dispela hevi. Ol i toktok tu long sait bilong ekonomi na gavman, na wok bilong sios na sios konstitusen na wanem gutpela rot long stretim konstitusen.

Em i tokaut olsem ol toktok long wanem kain senis we i bai kamap long sios konstitusen em

pasto bai i toktok long en na bai go long ol stiarung komiti we bai bihain go long Sios Kaunsil na bihain i go long Sinod.

"Bikipela samting mipela i toktok long en em long wok bilong ol pasto na wok insait long femili na wanem gutpela rot i stap long daunim ol dispela hevi," Het Bisop, Giegge Wenge i tok.

Ol pasto long Sande i bin mekim wokabaut i go long Nesenel Palamen Haus long Mosbi we olgeta i go insait wantaim ol meri bilong ol long lukim haus we ol politikol lidas bilong kantri i save sindaun na toktok i go kam na mekim disisen bilong kantri.

Ol pasto i mekim beten long Nesenel Palamen Haus na bihain i bin go bek gen long Se John Guise Stadium long mekim lotu na kisim holi komunion.



Dispela ol trampet musik ministri bilong Jiwaka i bin kisim gutpela mani helpim i kam long gutpela Lutheran man bilong laikim na givim Songan Kelly Naru



Ol hetman bilong ELC-PNG i toktok namel long ol yet.



Evangelical Lutheran Sios bilong Papua Niugini Namba 9 Nesenel Konfrens saplimen



Pasto Ambane Wenambo kisim spesel luksave

.....konfemesen sumatin Kelly Naru tingim yet

James Kila i raitim

WANPELA lapun pasto husat i strongim Kristen bilip bilong planti Luteran sumatin bipo taim em i wok misin long Kerowagi Haikul long Simbu provins i bin kisim spesel luksave tru long las wik Tunde.

Nem bilong pasto ya em Ambane Wenambo, husat nau i gat moa long 80 krismas.

Dispela spesel luksave i bin kam long wanpela konfemesen sumatin bilong em long bipo na gutpela man bilong helpim wok bilong Sios na ol Kristen manmeri long PNG, em loya na Songan yet Kelly Naru.

Mista Naru em planti Kristen manmeri bilong PNG i save pinis olsem em wanpela Kristen man bilong "laikim na givim" na wok misin bilong em long sapotim sios long planti kona bilong PNG i paia lait yet.

Mista Naru i bin brukim lewa bilong planti ol manmeri tru long las wik Tunde taim em i tokaut long nem bilong wanpela spesel man husat i bin helpim em long redim em yet long konfemesen na bihain . Dispela man em Pasto Ambane.

"Mi givim spesel luksave i go long wanpela lapun pasto, husat i helpim mi bipo long strongim Kristen bilip bilong mi long Luteran Sios taim em i givim namba wan konfemesen long mi long Kerowagi Haikul," Mista Naru i tok.

Taim Mista Naru mani presen i go long Pasto Ambane, turangu lapun ya i filim narakain tru na painim hat tru long toktok.

"Mi painim hat long toktok nau, tasol olgeta glori mas go long God na mi amamas olsem wanpela sumatin long konfemesen klas bilong mi i tingim mi yet. God i ken blesim em," Pasto Ambane i tok.

Pasto Ambane i bin givim stori long Wantok Niuspepa long las wiken insait long wanpela spesel sindaun na kaikai long haus bilong foma konfemesen klas sumatin bilong em Kelly Naru.

Dispela strongpela pasto i bin stap long John Flierl Seminari long Lugaweng long Finsafen long Morobe provins long 1961 i go long 1964. Bihain long skul pasto long seminari, em i bin go long namba wan eria wok bilong em long Sumburu insait long Gembogl eria long Simbu distrik.

Em i bin kisim blesing o odinesen olsem pasto long 1966 long Kogl seket long Westen Hailans provins. Bihain long odinesen bi-

long em, Pasto Ambane i bin go malolo na long 1968 em i bin helpim long givim ol Rilijes Instraksen (RI) klas helpim wanpela sapling long Kerowagi Haikul.

Long yia 1977 Kelly Naru i bin wanpela long ol konfemesen klas sumatin bilong em. Insait long dispela klas i bin gat samting olsem 20-pela sumati. Tupela long ol dispela lain sumatin em Pasto Maine na Pasto Kagl Siwi, husat nau i stap long Laloki Haikul.

Stori bilong Pasto Ambane i bihainim gutpela stori long baibel we i stap long Luk sapta 17: 11 i go 19, we i stori long 10-pela man husat i gat sua long bodi bilong ol na Jisas i bin oraitim ol. Bihain long ol dispela lain i orait, wanpela tasol i go bek long tok tenkyu long Jisas.

Pasto Ambane i tok olsem bipo planti ol yangpela sumatin i save tingting strong tru long Kristen bilip pasin. Tasol long tude, planti i no save intares tumas.

Moa long en tu, Pasto Ambane i tok olsem tude planti kain kain nupela lotu i kam insait long kantri na paolim tingting bilong planti ol yangpela na tu ol sipsip bilong olpela o ol mama Sios i wok long muv i go long ol dispela liklik sios.

Mista Naru i bin givim sampela gutpela stia toktok na salens insait long Namba 9 ELC-PNG Nesenel Pasto Konfrens long Mosbi.

Em i bin givim sampela mani helpim i go long wok bilong Sios long las wik we i winim moa long K70,000.

Insait long dispela mani helpim, em i givim K10,000 i go long helpim wok bilong bikpela seminari bilong ELC-PNG long Lae na narapela K10,000 i go long John Flierl seminari long Luwaweng na tu K10,000 i go long seminari long Ogelbeng.

Em i givim K10,000 i go tu long helpim wanpela sios long Boana eria long Nawaeb distrik long Morobe provins na narapela K10,000 i go long wanpela sios long Westen Hailans provins. Narapela helpim tu em Mista Naru i givim i go long wanpela trampet musik ministri bilong Jiwaka, husat i lusim ples bilong ol na wokabaut 23-pela de olgeta i go kamap long Mosbi long stap insait long

Strongpela toktok Mista Naru i tokim ol pasto em long pasin bilong laikim na givim. Na em i strongim tok i stap long Baibel long buk bilong Malakai we olgeta Kristen manmeri i mas givim namba ten hap bilong wanem mani o samting



Pasto Ambane (lephan) wantaim meri bilong em Paru na sumatin bilong em bipo long konfemesen klas na nau Songan, Kelly Naru. *Poto: James Kila*




Pasto Ambane i sanap wantaim ol Kristen manmeri bilong ELC-PNG na sumatin bilong em long bipo long konfemesen klas Kelly Naru.

Pasto Ambane Wenambo



Evangelical Lutheran Sios bilong Papua Niugini Namba 9 Nesenel Konfrens saplimen



Ol meri bilong ol pasto i sindaun na harim toktok long Namba 9 Nesenel Pasto Konfrens. Poto: James Kila

Meri bilong ol ELC-PNG pasto amamas long lukim Mosbi siti

NAMBA 9
Evangelikal Lutheran
Sios bilong PNG
Nesenel Pasto
Konfrens long
Mosbi em spesel tru
bikos em namba
wan taim tru ol
pasto i bringim ol
meri bilong ol i go
stap insait long dis-
pela konfrens.

Long ol arapela konfrens long pastaim em ol pasto tasol i save go o sampela tasol i save bringim ol meri bilong ol i go. Tasol dispela konfrens long Mosbi i lukim samting olsem 900 pasto i bringim samting olsem 700 meri bilong ol i kam long konfrens.

Ol meri bilong ol Lutheran pasto i save mekim bikpela wok long helpim ol man bilong ol na tu, long go pas na helpim ol meri insait long ol peris na kongriksen we ol man bilong ol i wok long en.

Freida Max em meri bilong Pasto Joshua Max husat i Distrik presiden bilong Siassi Lutheran Distrik long Morobe provins provins.

Meri Wantok i bin bungim Freida long dispela wik Tunde insait long Nesenel Lutheran Pastos konfrens i wok long ron long wampela wik long Se John Guise Stedium long Mosbi.

Moa long 3,000 pasto na meri bilong ol i kam long dispela bung long olgeta hap bilong kantri long toktok long ol samting i karamapim wok bilong ol pasto, rot we Lutheran Sios i ron long en, famili na yut, konstitusen o mama lo bilong sios na ol narapela samting moa.

Nau konfrens em Evangelikal Lutheran Sios (ELC-PNG) Papua Distrik i lukautim.

Freida na pasto man bilong em, Pasto Joshua, i wok namel long ol Lutheran komyuniti long Siassi Ailan long 18-pela krismas nau, bihain long Pasto Max i pinisim skul pasto long seminari long Morobe provins long 1993.

Bihain long ol i wok 5-pela krismas long ol wan wan Lutheran

peris long Siassi Ailan olsem Samani, Aromani na long Lablab, Pasto Max i kamap olsem Siassi Lutheran Distrik presiden na Freida wantaim famili i stap na sapotim papa bilong ol long wok. Na long wankain taim tu, Freida i wok wantaim ol meri long kamapim gut spiritual na fisikel sait bilong ol, maski ol kain hevi i save kamap long ol longwe ples olsem dispela ol i stap na wok long en.

"Laip insait long ministri i gat ol salens, tasol wantaim lukaut na stia bilong Bikman, mipela i save stap gut.

"Taim mipela i bin stap long bus na maunten ples, em i hat tru. Mipela i save wokabaut longwe na slip long rot na bihain, go kamap long ples we mipela i laik go long en.

"Ol meri bilong ol pasto i save helpim na wok wantaim ol meri na stap olsem ol edvaisa. Mi save amamas long kari-maut wok bilong Bikpela bikos mipela i

save kisim planti blesing tu.

"Long wok bilong mipela ol meri, mipela i save helpim ol sik manmeri. Mipela i save go lukim ol na givim ol kaikai, liklik mani na tu, pre wantaim ol, wokim HIVna AIDS awenes na sapotim tu ol sios na gavman lida long ol preia bilong mipela," Freida i tok.

Bikos ol pasto i save kisim liklik alauwens tasol wampela taimn insait long wampela mun, Meri Wantok i bin askim Freida wanem rot ol i save bihainim long peim skul fi na ol narapela samting long helpim sindaun bilong famili.

Freida na Pasto Joshua tupela i bilong Siassi Ailan na ol i gat tripela pikinini.

"Mipela i save wokim maket. Mipela i gat gaden we i save helpim mipela long sait bilong kaikai na sapos i gat moa kaikai, mipela i salim.

"Long liklik maket, mipela i salim ol gaden kaikai, drai kokonas long helpim

kisim skul fi mani," Freida i tok.

Konpren bai pinis tumora we bai lukim mini kalserel so long soim amamas na pinisim olgeta samting.

Strongim na lukautim kalsa bilong yumi em wampela samting we ol pasto i wok hat long mekim taim ol i karimaut wok bilong ol.

Freida Max em meri bilong Pasto Joshua Max husat em distrik presiden bilong Siassi distrik.



Ol meri sindaun harim toktok long dispela bikpela bung.

Raun wantaim Wantok kru ...



National Weekly Hit Parade:

Produced & Host by: Kasty

Statistics: Talahn Sophie & Purnuan Crew

Week Ending: Saturday – 08th October 2011

Week Before	Last Week	This Week	Charting Song:	Artist:
1	1	1(12)	Mis a balié	Leonard Kania
3	3	2	Edventures	Gedix Atege
2	2(9)	3	Ples long Loe	Jokema
4	4	4(6)	Una Talewa	Backyards of Yangoru
5	5	5	Oreldid V-Lay	Leonard Kania
6	6	6(4)	Meri Kopex	Raiwat
8	8	7	Kiri O	Channel X Crew
9	9	8	Photo	Sibela Band
17	11	9	Lavin' ya tumas	Sounds of Yangoru
7	7	10	Sodawa meri	Taina G & Sharzy
10	10	11	Empy Promise	Snippers Band ft DJ AAR
12	12	12(4)	Guru	Ava'a Ono Crew ft Theresa Cruz
13	13	13	Phone Call	Ava'a Ono Crew ft Theresa Cruz
11	14	14	Meri Mucobe	Logic Crew
15	15	15	Blue Bayou	Froggies
20	18	16	Negana	Greg A'aron ft Hanley Logomo
14	16	17	Nasajo	Seths Mahn ft Eljay
16	17	18	Gulu Palawa	Zipsy Rose
0	0	19	White Rose	Leonard Kania Jr
19	19	20	MB Lewa	Siluhakakaku
Song	In:	White Blue	Leonard Kania Jr	
	Out:	Ol Mo	Poggy Mahn ft D142	

FONDE, OKTOBA 6, 2011		10.30PM M FOOTY SHOW (final for 2011)		9.30PM G CURRENT AFFAIR		8.00PM G RAIT MUSIK		3.00PM G MOBIL 1 THE GRID	
5.00AM G	JOYCE MEYER	11.00PM	AUSTRALIA NETWORK	10.00PM G	RUGBY WORLD CUP	9.00PM PG	ELITE MUSIC ZONE	Mobil 1 The Grid offers exclusive, in-	
5.30AM G	TODAY	FRAIDE, OKTOBA 7, 2011		DAY 18 HIGHLIGHTS		9.30PM G	SUPER LEAGUE	depth features, personality profiles and	
11.00AM	AUSTRALIA NETWORK	5.00AM G	JOYCE MEYER	11.45PM G	A CURRENT AFFAIR	11.00PM G	NATIONAL EMTV NEWS	the latest news from leading mo-	
12.30PM G	EMTV MIDDAY NEWS	5.30AM G	TODAY	00.15AM G	NATIONAL EMTV NEWS	REPLAY		torsports circuits around the globe.	
1.00PM	AUSTRALIA NETWORK			REPLAY		12.00AM	AUSTRALIAN NETWORK	4.00PM G	
				12.20PM	AUSTRALIA NETWORK			6.00PM G	NATIONAL EMTV NEWS
				SARERE, OKTOBA 8, 2010		SANDE, OKTOBA 9, 2011		6.30PM G	DIGICEL STARS
2.59PM	STATION OPEN	11.00AM	AUSTRALIA NETWORK	12.27PM	STATION OPEN	6.30AM G	IT IS WRITTEN	7.30PM G	60 MINUTES
KIDS KONA		12.30PM G	EMTV MIDDAY NEWS	12.30PM G	RUGBY WORLD CUP	7.00AM G	HILLSONG	8.30PM M	SUNDAY NIGHT MOVIE:
3.00PM	HI-5	1.00PM	AUSTRALIA NETWORK			7.30AM G	RUGBY WORLD CUP	10.30PM G	HILLSONG
3.30PM	PYRAMID	2.59PM	STATION OPEN			DAY 19 HIGHLIGHTS		11.00PM G	NATIONAL EMTV NEWS
4.00PM	THE SHAK	3.00PM	HI-5	2.30PM G	MOBIL 1 THE GRID	AUSTRALIA NETWORK		REPLAY	
4.30PM	KITCHEN WHIZ	3.30PM	PYRAMID	3.00PM G	RUGBY WORLD CUP	8.00AM		11.30PM	AUSTRALIA NETWORK
4.45PM	EMTV TOK SAVE	4.00PM	THE SHAK			9.00AM G			
5.00PM	RUGBY WORLD CUP	4.30PM	KITCHEN WHIZ					MANDE,OKTOBA 10, 2011	
	DAY 17 HIGHLIGHTS	4.57PM	EMTV TOK SAVE	5.00PM G	RUGBY WORLD CUP	10.00AM G	SUNDAY FOOTY SHOW	5.00AM G	JOYCE MEYER
6.00PM	G NATIONAL EMTV NEWS	5.00PM G	RUGBY WORLD CUP	DAY 18 HIGHLIGHTS				Religious Program	
7.00PM	G SPORTS SCENE		DAY 5 HIGHLIGHTS	5.30PM G	WEEK 3 HIGHLIGHTS - rpt			5.30AM G	TODAY
7.27PM	EMTV TOK SAVE	5.55PM	CRIME STOPPERS	6.00PM G	NATIONAL EMTV NEWS	11.00PM G		DEPARTMENT OF EDUCATION	
7.30PM	G RAIT MUSIK	6.00PM G	NATIONAL EMTV NEWS	6.30PM PG	AUSTRALIA'S FUNNIEST			CLASSROOM BROADCAST	
8.30PM	PG ELITE MUSIC ZONE	7.00PM G	IN MORESBY TONIGHT	HOME VIDEO SHOW				9.00 – 9.40AM	GRADE 7 MATHEMATICS
9.00PM	G A CURRENT AFFAIR	7.30PM G	RUGBY WORLD CUP	EMTV TOK SAVE		1.00PM G		9.50 – 10.30AM	GRADE 7 SCIENCE
9.30PM	G DIGICEL STARS 2 ENCORE			7.27PM					
				7.30PM G	IN MORESBY TONIGHT				

TORO



BIABIA



KANAGE



TOKWIN

4-pela PAP pati memba kalap go long gavman...

Maprik MP, Gabriel Kapris, Ambunti-Dreikirikir MP, Tony Aimo, Midul Flai MP, Ben Semri na Koroba-Lake Kupiango MP, John Kekeno i kalapim banis bilong oposisen na go joinim PNG pati bilong Namah long stap insait long gavman. Dispela pasin i soim olsem pasin bilong ol hangre pikinini i painim haus bilong kaikai. Kainkain tokwin olsem dispela

pasin ol mekim bikos klostu Jenerel Ilekse bai kamap long yia 2012 na ol i laik kamapim samting insait long O'Neill Namah gavman we pipel bilong ol i ken lukluk na votim ol gen long 2012 Jenerel ileksen. Hah! Yupela ting mipela i aipas? 2012 i stap long han bilong pipel. Sapos mipela tok yu win, yu win! Sapos mipela tok, yu raus, yu raus! Planti pablik moni i lus pinis na mipela i les pinis!

Kainantu kamap olsem Rawanda...

Ol asples i les pinis long raskol

pasin long ples Kainanatu na ol i kisim lo i go long han bilong ol. Ol go tasol na kilim dai 15-pela-man long blok bilong ol. Ol i go katim katim ol long naip, we yumi harim stori o ritim long niuspepa long ples Rawanda long Afrika. Ol pipel i les pinis long raskol pasin we bagarapim sindaun bilong ol. Yu yet skelim... Nau pipel i no tingim laip bilong ol. Ol dai olsem pik na dok....

Tokwin Tasol...

T	A	R	A	G	A	U	B	I	L	O	N	G	N	A	I	T
A	E	J	M	S	I	L	P	E	D	R	C	B	N	A	Y	L
J	K	P	O	I	E	S	E	J	K	U	M	U	L	R	I	P
N	A	U	R	K	A	L	A	N	G	A	R	N	I	O	I	D
F	K	E	S	D	E	P	A	T	M	I	L	E	R	S	O	S
R	A	R	U	K	O	K	O	M	O	R	U	S	I	O	P	K
Y	R	I	N	L	T	P	P	I	O	E	A	N	X	K	N	O
G	U	R	I	A	I	A	H	I	E	R	T	S	W	A	L	K
E	K	S	I	U	U	H	R	E	S	I	A	M	N	V	S	I
W	I	W	B	C	J	I	L	A	R	T	P	I	P	I	V	D
S	J	G	P	A	T	O	L	A	G	Z	C	B	T	V	I	P
I	H	J	D	O	N	E	S	F	E	A	U	A	O	I	V	B
A	B	M	K	E	P	R	S	F	R	Y	U	L	I	O	P	U
N	V	T	L	T	R	D	K	A	K	A	T	U	B	N	I	K
A	O	S	I	W	T	F	C	N	L	U	P	S	E	S	O	A
K	F	A	U	A	S	I	A	D	G	J	K	L	P	I	T	O
A	W	E	B	S	U	B	G	N	O	L	I	B	L	U	A	P

Painim ol dispela nem bilong ol pisin:

PISIN	KUMUL	PAUL BILONG BUS	KAKARUK	KAKATU
KOKI	BUKA	KOTKOT	GURIA	SELA
BALUS	PATO	WAITPELA GRAS	TARAGAU	KAVIVI
KOKOMO	KALANGAR	TARAGAU BILONG NAIT KANAI	PIPI	

					6	1		5
							7	4
4		3	1	8	7		9	
	7	2			1	8		3
	3	4	9		8	5	1	
8		5	3			9	2	
	9		8	6	5	4		1
3	6							
5		8	7					

9	3	5	2	4	7	1	6	8
1	4	7	8	6	9	5	3	2
2	8	6	5	3	1	9	4	7
3	2	9	7	5	4	8	1	6
6	5	8	9	1	3	7	2	4
4	7	1	6	8	2	3	9	5
8	6	2	1	9	5	4	7	3
5	9	4	3	7	6	2	8	1
7	1	3	4	2	8	6	5	9

Ansa bilong las wik Sudoku

Ansa bilong las wik Pasol

K	U	N	A	I	K	A	B	I	S	K	I	A	U	B
T	R	A	I	S	A					O	U			M
B		A			P				K		K	M	K	A
A	D		P	O	A				K		O	I	L	U
N	R		I	P	I				O	N		K		I
A			A	D					N		A		A	N
N			I	I					K	U	L	A	U	S
A			B						F			B	K	
K	O	N	I	P	I	T	P	I	T			G	A	M
B			K								N	A	A	A
I			A	N	I	E	N				E	L	P	K
N											L		I	A
			Y	A	M	B	O				E	K	A	I
D	I										M		O	T
R	P	L	A	U	L	A	U							N
I	O										M	A	N	G
P	K	O	P	R	A						K	A	W	A

EMTV Television Guide

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM

BROADCAST CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

STATION OPEN

KIDS KONA

3.00PM G MAGICAL TALES

3.30PM G HI-5

4.00PM G THE PYRAMID

4.30PM G THE SHAK

5.00PM G RUGBY WORLD CUP

DAY 20 HIGHLIGHTS

5.55PM G CRIME STOPPERS

6.00PM G NATIONAL EMTV NEWS

7.57PM EMTV TOK SAVE

7.30PM G RUGBY WORLD CUP

9.30PM G RUGBY WORLD CUP

WEEK 4 HIGHLIGHTS

10.30PM G NATIONAL EMTV NEWS

REPLAY

11.30PM G MOBIL 1 THE GRID

12.30PM AUSTRALIA NETWORK

TUNDE, OKTOBA 11, 2011

5.00AM G JOYCE MEYER

Religious program

5.30AM G TODAY

DEPARTMENT OF EDUCATION

CLASSROOM BROADCAST

9.00 - 9.40AM GRADE 7 MATHEMATICS

9.50 - 10.30AM GRADE 7 SCIENCE

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM BROADCAST

CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

12.00PM EMTV MIDDAY NEWS

3.00PM G MAGICAL TALES

3.30PM G HI-5

4.00PM G THE PYRAMID

4.30PM G THE SHAK

5.29PM G EMTV NEWS UPDATE

5.30PM G MILLIONAIRE

HOT SEAT

6.00PM G NATIONAL EMTV NEWS

7.00PM G HAUS & HOME

7.57PM EMTV TOK SAVE

8.00PM G KINGAL MINISTRIES

THE FARMER WANTS A

WIFE (SERIES PREMIERE)

9.00PM M 24

Kiefer Sutherland stars in this Emmy Award-

winning drama in which

the entire season takes place in one day, with

each of the 24 pulse-pounding episodes cover-

ing one hour and presented in real time.

Kiefer Sutherland stars in this Emmy Award-

winning drama in which the entire season

takes place in one day, with each of the 24

pulse-pounding episodes covering one hour

and presented in real time.

11.30PM G EMTV NEWS REPLAY

12.30PM AUSTRALIA NETWORK

TRINDE, OKTOBA 12, 2011

5.00AM G JOYCE MEYER

Religious Program

5.30AM G TODAY

DEPARTMENT OF EDUCATION

CLASSROOM BROADCAST

9.00 - 9.40AM GRADE 7 MATHEMATICS

9.50 - 10.30AM GRADE 7 SCIENCE

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM BROADCAST

CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

12.00PM EMTV MIDDAY NEWS

3.00PM G MAGICAL TALES

3.30PM G HI-5

4.00PM G THE PYRAMID

4.30PM G THE SHAK

5.29PM G EMTV NEWS UPDATE

5.00PM G RUGBY WORLD CUP

DAY 9 HIGHLIGHTS

5.55PM G CRIME STOPPERS

6.00PM G NATIONAL EMTV NEWS

7.00PM PG THE WORLD AROUND US

7.57PM EMTV TOK SAVE

8.00PM PG SURVIVOR SOUTH

PACIFIC - The twenty-third instalment of

Survivor, with Emmy Award-winning host Jeff

Probst. 18 Castaways are divided into two

tribes: the Savaii Tribe & the Upolu Tribe

named after two Samoan islands. Two former

Survivors are back to try for a second chance

to win \$1 million prize. Also returning is The

Redemption Island twist. The winner of each

duel earns the right to continue fighting for a

chance to return to the game and compete for

the title of Sole Survivor. The loser is sent

home. Who will be left standing?

9.00PM PG WEDNESDAY NIGHT

MOVIE: TBA

11.45PM G NATIONAL EMTV NEWS

REPLAY

1.00AM AUSTRALIA NETWORK

Ol Progam na Kilok i ken senis oltaim...

Raun wantaim Kanage olgeta wik



NEM: Shaun Levi

KRISMAS: 11 (man)

ADRES: Lemakot Primary School, P.O. Box 217 Kavieng, New Ireland Province

SAVE LAIKIM: Sande Skul Lotu, pilai soka, singsing, droim piksa, huk o glasim pis long sol-wara na wokim garden.

NEM: Mea Joel

KRISMAS: 19 (man)

ADRES: Sapuri Plantation Division Tow 2, P.O. Box 451, Kimbe, W.N.B Provins

SAVE LAIKIM: Pilai spots, harim musik, pilai gita, ridim buk, go Lotu, kuk na raitim pas wantaim ol poroman.

NEM: Abbie Jugunai

KRISMAS: 18 (man)

ADRES: Sapuri Plantation division Tow 2, P.O. Box 451, Kimbe W.N. B Provins

SAVE LAIKIM: Ridim buk, harim musik, pilai sports, wokim gaden, go Lotu, mekim fani, na raitim pas wantaim ol poroman.

NEM: Gladies Donkoh

KRISMAS: 28 (meri)

ADRES: P.O. Box AS 951, Agona Swedru, Ghana- W. A

SAVE LAIKIM: Rit, lainim, mekim poroman long narapela kantri.

NEM: Timothy Tipora

KRISMAS: 25 (man)

ADRES: P.O. Box 340 Mendi, S.H.P

SAVE LAIKIM: Ritim Niuspepa, go Lotu, Ritim Baibel, watsim TV, mekim fani, Harim wantok Radio Lite FM, pilai gita na wok wantaim.

NEM: Rumen Simon

KRISMAS: 18 (man)

ADRES: C/- Rist Brothers, P.O. Box 5274, Lae Morobe Provins

SAVE LAIKIM: Mekim prens wantaim ol Yuts long arapela Provins, ritim Baibel, pilai volibol, Harim Lotu musik na raitim pas.

NEM: Gemimah Johnson

KRISMAS: 30 (meri)

ADRES: OLD FOREST STREET, P.O. Box 971, Akim ODA , Phn 00233-242850880- Ghana, West Africa

SAVE LAIKIM: Senisim presen, harim musik, Danis, painim man long maritim bihain taim

NEM: Jimmy N.Nimms

KRISMAS: 20 (man)

ADRES: Kalipau Village, P.O. Box 96, Vanimo, Sandaun Provins

SAVE LAIKIM: Raitim pas, harim musik, senisim presen, painim wanpela poro long stap na raun wantaim

NEM: J Waspi

KRISMAS: 19 (man)

ADRES: C/- Kilips Village, P.O. Box 96, Vanimo Sandaun Provins

SAVE LAIKIM: Raitim pas, harim musik, senisim presen, painim long stap wantaim na mekim pren

NEM: Millan Maso

KRISMAS: 20(meri)

ADRES: P.O. Box 2340, Boroko, NCD

SAVE LAIKIM: Pilai Volibol, watsim TV (Rugby), harim musik, raitim pas, ritim buk, senisim presen na go Lotu.

Pepsi Fan Ran...

Kanage bilong Madang em i stap i go na sisen bilong Pepsi Fan Ran i kamap. na em i hariap tru go baim wanpela tiset bilong em na em i wok long trening i stap.

Taim bilong fan ran i kam na Kanage i stap pinis.

Bik moning tru na ol bosman i tokim ol rana olsem long ol i mas raunim taun na olgeta i tok yesa tasol. Na ol i tokim ol olsem husat man i win pas bai i go long ples bilong ol waitman na Kanage i amamas nogut tru na em i tok sans yah.

Bosman i blowim wisel na ol stat ran. Olgeta i bihainim stretpela rot tasol Kanage i laik go lukim ples bilong wait man na em i wok long katim long mekim sot kat na painim hariap pinis lain. Taim em i



kamap long pinis lain, ol man meri i singaut na amamas long wanem em i tong em i kam pes na em i amamas nogut tru olsem em i bai go lukim ples bilong ol wait man. Tasol em i no save olsem ol i lukim em pinis na ol i no mekim wanpela tok.

Taim bilong kisim prais na ol bosman i singautim narapela man long go na kisim prais bilong en. Kanage i belhat nogut tru na go antap na koros wantaim ol man i go het long resis. Tasol em i no save olsem, mikrofon i on na olgeta manmeri i harim wanem samting em i wok long koros long en.

Bosman i tokim Kanage olsem em i no bihainim rot bilong ron. Em i katim long sait long kamap pes man tasol em i kam las. Man taim olgeta man i harim dispela ol i lap na Kanage i sem nogut stret na ronawe go was was wantaim ol mangi long nambis.

Madang.

Ol skwat!

Salim ol gutpela Kanage tok pilai i kam long:

Kanage Tok Pilai

P.O. Box 1982,

Boroko, NCD

Port Moresby.

Email: atolire@wantok.com.pg

Nogat pikinini na boipren lusim mi...

Dia Laiplain,

INAP yu helpim mi long wanpela hevi mi gat?

Mi wanpela yangpela Kristen meri na mi gat wanpela boipren we mipela i raun wantaim long sampela taim.

Boipren ya i laik bai mi givim em wanpela pikinini na maski mi traिम i go i go, mi no inap yet long givim em wanpela. Mi no save wanem samting i no stret long mi, tasol taim mi no inap givim em samting em i laikim, em i lusim mi no go painim narapela meri. Meri ya i givim em wanpela pikinini na ol i stap wantaim.

Tasol mi wok long askim mi yet, olsem watpo na dispela i kamap, na sapos nogat, bai mi yet i meri bilong em. Watpo na mi no kisim bel?

Tasol taim em i kisim narapela meri na stap wantaim em na pikinini bilong ol, em i save ringim mi yet na tokim mi olsem em i laikim yet mi. Na em i tok em bin asua long kisim narapela meri. Plis, helpim mi bikos mi no laikim bai dispela samting i mekim mi wari tumas na kilim mi.

DESPERATELY NEEDS A CHILD

Dia Pren,

Tenkyu long rait i kam long Laiplain na serim wari bilong yu wantaim mipela. Mipela i save kisim planti pas long pipel i gat ol kain wari olsem long planti hap bilong kantri, na yu em wanpela long ol.

Long pas bilong yu, yu tok yu bin gat boipren na yutupela i bin raun wantaim. Yutupela i laikim wanpela pikinini, tasol yu no inap karim pikinini na olsem, em bin lusim yu na painim narapela meri. Em givim em bel na nau em i gat wanpela pikinini. Nau tupela i stap wantaim, tasol em i save ringim yu yet na tokim yu olsem em i laikim yu yet.

Pren, long pas bilong yu, yu tok yu no save watpo na yu no inap karim pikinini. Ating long tingting bilong yu, yu wok long tingting olsem yu no inap karim pikinini



moa. Sapos yu gat dispela kain tingting, i moabeta yu go sekap long haus sik na ol dokta yet bai tokim yu sapos yu no inap karim pikinini o nogat. Sapos ol i tok yu no inap karim pikinini, noken wari na sori bikos i no yu tasol i stap long dispela kain hevi. Planti meri long kantri bilong yumi i no inap karim pikinini tu.

Na sapos yu i olsem, i no yu i mekim bikos Bikman tasol em i gat risen o astingting long dispela i kamap. Na yu no gat save long dispela. I moabeta yu go lukim dokta na askim em long edvais na tu, sekap sapos yu no mekim dispela yet.

Long sait bilong boipren, yu stap isi liklik na tingting. Sapos em i laikim yu stret, em bai no inap go na painim narapela meri. Em inap wet na yutupela i ken toktok long ol samting pastaim. Yu ting olsem em i yusim yu tasol? Mipela i bilip olsem yes. Maski wanem kain hevi i kamap, em i mas stap wantaim yu.

Sapos yu laikim wanpela man o meri bai nogat samting i stopim yu long mekim samting, maski em i hatpela o laip bilong yu i stap long birua na yu no laikim em bai mekim samting long bekim dispela. Laik pasin o love i save wet, i no save pasim samting, i no save kros hariap, yu ken trastim, no save wokim giaman pasin na planti moa. Dispela em ol kwaliti wanpela i mas gat taim tupela man na meri i poroman na i ken strongim pren pasin namel long tupela. Strongpela pren pasin i ken kamap sapos tupela i gat ankondisinel laik pasin namel long tupela.

Pren, yu bai painimaut sapos rilensensip o pren pasin yu gat i kamap long laik pasin o nogat taim yu ritim dispela bekim bilong mipela. Tupela samting we ol yangpela bilong tude i no klia long en long lav na ol i asua long ol em ol, 1- lust na 2- Infaktuation.

Lust em bikpela tingting long laikim samting. Em ken strongpela laik long "sex" o pasin long laik slip wantaim wanpela man o meri. Infatuation em samting yu lukim narapela man o meri i gat, olsem mani bilong em, level long edukesen bilong em, lukluk bilong em olsem em i luknais na "fame" o planti lain i save long em. Tasol dispela i no tru tru lav o laik pasin. Tasol lav i save groa long ol taim ol de na mun na yia i lus na taim ol i go het long skruim pren pasin wantaim lav na komitmen.

Mipela i strongim yu long lukim dokta na kisim edvais bilong em na em bai givim yu ripot long dispela samting tu. Long rile-sensip bilong yu, mipela o prei olsem bai yu muv i go fowet long laip na noken wari long ol samting o laip yu bin gat pastaim. I moabeta yu bungim na poroman wantaim sampela lain husat bai helpim yu daunim hevi yu gat long en.

Olsem wanpela Kristen, yum as save olsem slip wantaim man taim yupela i no marit yet em i sinpasin. Baibel i save toktok long dispela olsem "sexual immorality o fornication" sinpasin we tupela man na meri i no marit yet i wokim. Ritim Efeses 5:3-6. I moabeta yu stap gut na lukautim bodi bilong yu na noken slip wantaim narapela man inap yu marit na bai yu ken kisim amamas long stretpela rot. Ritim 1 John 1:9. i moabeta yu rispektim bodi bilong yu. Ritim Korin 6:12-20 na ritim sapta 7:1-16 we i toktok long marit.

Tingim, man i laikim yu tru tru bai no inap lusim yu, na wankain long yu.

Wanpela taim gen, tenkyu long rait i kam long mipela na mipela i pre ol tingting we mipela i givim long yu bai helpim yu long luksave long ol samting na yu ken painim ansa bilong yu long laip.

Sapos yu gat wari, rait i kam long Life-line, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Yam olsem lek bilong man

Andrew Molen i raitim

GRAUN i save kamapim kain kain samting bilong ol man long painim. Long las wik Mande, ol manmeri long ples Kirakira insait long Nesenel Kapitol Distrik, i kamautim wanpela yam long graun we i olsem fut long lek bilong man. Dispela hap kaikai luk olsem fut stret, i gat wanpela bikipela hap olsem fut na 5-pela liklik hap bilong olsem pinga bilong lek.

long hap na i lukim dispela yam. "Ol i kisim dispela yam long gaden na laik kukim long mipela i kaikai tasol mi les long kaikai bilong wanem em i luk olsem lek bilong man stret," mista Malio i tok. Em i tok dispela yam i olsem lek bilong man stret na i mekim em i les long kaikai tasol em i kisim poto tasol long soim ol manmeri long wanem kain samting i kamap long gaden kaikai bilong ol.



YAM O LEK? Dispela yam i olsem fut bilong man stret. POTO: BARON MALIO.

Maikrobenk karim benk sevis go long pipel

Neville Choi i raitim

PASIN bilong sevim mani, em i no save strong tumas namel long ol yumi Papua Niugini. Long ples, wanem kain gaden kaikai i orait, em yumi save salim na kisim winmani bilong lukautim yumi long kaikai, skul fi, na ol arapela wok long ples. Na long planti moa long yumi, sapos yumi laik opim benk akaun, bai yumi mas bihainim longpela rot, na tromoi bikipela mani long go long taun long kisim benk sevis. Samting olsem 855 bilong olgeta



manmeri long kantri i nogat benk akaun, tasol planti ol manmeri long ples i gat mobail telepon. Nau, dispela hevi bilong painim benk sevis long ol ruel eria bilong kantri bai pinis. Nationwide Microbank (Nesenwait Maikrobenk), wanpela maikro-

fainens oge-naisesen, i go pas long kamapim sevim akaun bilong ol liklik manmeri long ples, na we ol i ken kamapim bai em i stap long mobail fon bilong ol. Mobail mani na dispela nupela sevis, em Nationwide Microbank i kolim 'MiCash' (mai-kes) em manmeri i ken yusim bilong salim mani i go kam long maikrobenk akaun bi-

long ol, i go long arapela mobail fon akaun. 'MiCash' em i nupela mobail benking sevis we bai kamap pastaim aninit long wanpela pailot projek bilong ron long Kimbe, Wes Nu Briten pastaim long em i go aut long ol arapela hap long kantri. Em i no SMS benking. Dispela sevis bai mekim moa isi bilong ol manmeri long ples long sekim balens, baim ol kago na sevis, na peim ol bil bilong ol. Na bai ol manmeri long ples i nonap wari long kalap long PMV long go

long benk o ATM benk masin. Trudi Egi, man husat i bosim Sels na Kastoma Sevis wantaim Nesenwait Maikrobenk, na man husat i go pas long pailot projek long Kimbe, i tok ol tisa na ol arapela gavman wok lain i ken kisim pe bilong ol na i no inap wari long go long taun long salim mani i go bek long ples. Yu ken yusim Digicel mobail fon bilong yu tasol. MiCash em i no olsem SMK Mobail sevis bilong Post PNG, o cellmoni bilong Digicel. Em i wanpela benk akaun stret.

Trupela Riwod wantaim City Pharmacy na Stop N Shop

Nicky Bernard i raitim

CITY Pharmacy na Stop N Shop i kamap gen wantaim wanpela riwod o presen bilong ol kastoma bilong ol taim ol baim ol samting long stoa bilong ol. Dispela wik CPL Grup i lonsim dispela nupela na bikipela "Real Rewards Plus" we ol kastoma bilong ol ken winim sampela prais taim ol baim ol samting. City Pharmacy em namba wan stoa long mekim dispela riwod bilong ol kastoma bilong em stat long 2003. Ol kastoma bilong ol i gat liklik blupela buk na dispela buk i gat ol liklik bokis insait we taim ol kastoma bilong ol baim ol samting long City Pharmacy, ol save givim ol liklik stika long pasim ol dispela liklik bokis insait long buk bilong ol, na taim dispela liklik buk i pulap ol save givim sampela prais long ol. Dispela yia City Pharmacy i kisim Stop N Shop na joinim ol



LAKI BONES PRAIS:: Baim K100 kaikai long Stop 'N' Shop o City Pharmacy, bai yu kisim "Real Reward Plus" kad long winim sampela prais dispela tupela bikipela stua. Hia em Joanne Dentosa, supavaisa bilong SNS na Lorza Kanah bilong CPL soim ol dispela bones kad. Poto: Nicky Bernard wantaim dispela 'Real Reward', na nau ol kolim Real Reward Plus, dispela long wanem Stop N Shop nau i stap aninit long lukaut bilong City Pharmacy na ol traim long amamasim na save husat tru save go baim kaikai long Stop N Shop. Dispela liklik buk City Pharmacy givim bai pinis, Real Reward Plus bai givim ol nupela kad olsem benk kad long ol kastoma bilong em taim yu go baim ol kaikai na ol samting abrusim 100 kina.

Ol kastoma i gat kad pinis bai ken kisim ol kaikai bilong ol go long kaunta na bipo long yu baim kaikai, yu mas givim dispela kad bilong yu go na ol wok manmeri bai skenim, bihain ol bai skenim prais bilong kaikai bilong yu, olgeta wan kina long ol kaikai yu bai bai go long bones bilong yu long kad bilong yu. Ol dispela kad i gat namba long beksait bilong na dispela namba bai rejista long nem bilong yu, sapos ol lukim olsem yu gat planti bones bai yu kisim wanpela prais kam yet long CPL Grup. Sapos yu laik kam memba bilong City Pharmacy na Stop N Shop yu ken go baim ol samting abrusim tasol K100 na bai yu kisim memba sip kad bilong yu, ol lain autsait long Mosbi ken go long ol city Pharmacy long Provins bilong yupela na kamap memba. Yu husat i holim olupela buk bilong City Pharmacy ken go na senisim buk long kisim kad.



GLASIM RAMU NICO PROJEK



Wanpela Ramu Nico, Wanpela Komyuniti

Ramu NiCo Givim Bikpla Helivim long ol Papagraun

MASKI dispela kot kes bilong deep sea tailing placement (DSTP) we i kamapim bikpela birua long Ramu NiCo main long wok go het, Ramu NiCo Management (MCC) Limited is kamapim yet planti bikpela infrastraka sevis i go long ol papagraun.

Ol papagraun em long Kurumbukari main, Basamuk refinery na tupela paipplain area.

Tru Ramu NiCo Projek i bin bungim planti hevi long pastaim na nogat wanpela kampani i kam wok long divelopim main we as tru bilong dispela i stap long ol yet. Planti taim Gavman i traim hat tru long pulim ol nupela investa na taim i go isi long mekim na projek i no kirap hariap.

Tasol taim Ramu NiCo i bik tekova long dispela Projek long HPL, ol halivim em kampani bai givim ol papagraun em ol wanbel pinis na i stap insait long Projek Memorandum ov Agrimen, na dispela i stap yet. Dispela MOA i tokaut stret long wanem samting ol stekholda bai i wokim na wanem kain ol helpim bai i go long ol papagraun.

Taim Ramu NiCo i kamapim planti ol helpim i stap insait long MOA, kampani i stap redi long mekim wanem wok bilong em we MOA i toktok long en.

Long 2006 i kam inap tude, Ramu NiCo i wok strong long sait bilong em long wokim kamap projek we bai bringim planti gupela helpim i go long ol papagraun. Sampla long ol dispela bikpela helpim kampani i givim pinis em igo long ol papagraun bilong Kurumbukari we main bai kamap long em;

1. Rot na bris i go long main eria we i no bringim sevis long main tasol, em i bringim tu helpim i go long ol papagraun bikos ol tu i yusim rot na bris. Ramu NiCo i wokim tu ol haus bilong ol lain papagraun long ol eria we MOA i tok-orait long en.

2. Karimaut wok pinis aninit long Sosel na Ekonomik Developmen Progre (SEDP) na i pinisim Polis ofis, Klinik, Wara na Pawa Saplai na KBK LOA ofis. Ramu NiCo i kamapim tu ol arapela komyuniti projek olsem Dabol Klasrum long Enekuai.

3. Givim helt Sevises i go long ol pipel long Enekuai na karimaut ol helt progre i go long ol viles long helpim komyuniti. Ramu NiCo i givim tu planti gupela donesen o helpim i go long ol komyuniti, Sios grup, ol yut na meri grup na ol spot grup.

4. Kamapim wanpela edukesen halivim (assistance) long helpim ol papamama husat em ol papagraun wantaim skul fi bihain long dispela progre i stat 4-pela yia i go pinis.

5. Kamapim trening insait long wok ples na tu long ol institusen bilong ol lokal eria sumatin na bringim ol i go skul long Goroka, Talidig na PNG Maritaim Koles. Ol sumatin, husat i go insait long ol dispela tren-




Ramu NiCo i helivim ol skul long KBK

ing i kisim sans long wok long mainm. Moa trening bai kamap long taim bilong komisinim na operesen.

6. Peim ol papagraun bikpela moni long sait long ol bagarap i kamap long taim bilong wok konstraksen bilong main.

7. Mekim gupela wok long taim bilong konstraksen na givim sans long ol kampani bilong papagraun long go insait long ol sampela bikpela kontrak wok. Sampela ol bikpela kontrak em i go long KBK Limited.

Bai i gat planti sevis moa na ol bikpela projek wok we bai kamap long taim bilong operesen we Ramu NiCo i laik lukim ol papagraun yet i mas stap insait long en na kisim helpim.



Bipo i no gat rot tasol nau i gat rot we Ramu NiCo i mekim i go long KBK main na asples tu.



Bikpela bris Ramu NiCo i wokim abrusim Ramu riva



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipplain)

**Wanpela
Ramu NiCo,
Wanpela
Komyuniti**



PASIM: Straika bilong NCD PSSA i pasim birua bilong em bi-long Wabag long semi fainol bi-long ol meri insait long Besta FA kap salens long Mosbi las wik Sarere. NCD PSSA i win 3-1 long go insait long gren fainol long Lae dispela wiken. POTO: Andrew Molen.



PAITIM: Wanpela Snipers pilaia bilong meri redi long brukim banis bilong ol Umi-Yet pilaia long gren fi-anol bilong NCD volibol las wik Sarere. Snipers i strong tumas long winim divisen bilong ol meri, 3-1 na tu long ol man 3-0 agensim Renos Vanama. POTO: Andrew Molen



KALAP: Goli bilong Mt Hagen i kalap long kisim bal long semi fainol gem bilong ol man agensim NCD PSSA insait long Besta FA kap salens long Mosbi. NCD PSSA i win 2 - 1. POTO: Andrew Molen.

Manly putim ai long 2012

MANLY Sea Eagles em ol sem-pion bilong 2011 NRL sisen, na bihain tasol long ol i kisim trofy long gren fainol, ai na tingting bi-long ol i pas pinis long 2012 sisen.

Ol i laik winim tupela taitol insait long tupela yia bai ol i ken i gat nem olsem wanpela nambawan tim tru insait long dispela kompetisen.

Win bilong ol long dispela yia i bin gutpela tru long ol bihain long ol i bin win long 2008.

Namel long 2008 na 2011, tim i bin bungim planti hevi long ol wok bilong ol na tu wantaim ol pilaia bi-long ol tasol ol i amamas long bung gut gen dispela yia na i kamap nambawan gen.

Dispela win bilong ol i lukim tu, kosa, Des Hasler, i tok em bai stap wantaim ol gen long 2012.

Win bilong Manly long dispela yia i mekim Hasler i gat nem long winim tupela gren fainol wantaim klap.

I bin gat bilip olsem Canterbury bin laik baim Hasler bikpela mani long go long ol long 2012 tasol em i tok em bai stap yet wantaim Manly.

Manly i tok ol i wok hat nau long painim rot long holim em i stap moa yet bihain long 2012.

Dispela 24-10 win bilong ol i no kam isi.

Ol i sanap strong long daunim ol Warriors husat ol i pilai strong tru

long kamap long gren fainol.

Warriors i gat nem long strong-pela gem bilong ol na stail bilong tromoi bal i go kam, tasol save na ekspirians bilong Manly i antap tumas.

Stail bilong ol Warriors i bin wok agensim Melbourne long wik bipo tasol em i no bin kamap gut agen-sim Manly.

Spit na pawa bilong Manly i strong tumas long ol mangi Nu Silan.

Kosa bilong Wests Tigers na tu nesenel kosa bilong Australia, Tim Sheens, i tok lus bilong ol Warriors long NRL gren fainol bai no inap daunim spirit na tingting bilong Nu Silan long kamap strong yet olsem wanpela ragbi lig kantri.

“Ol i gat planti ol gutpela pilaia we planti bin stap insait long dis-pela Warriors tim.

“I gat ol arapela Nu Silan pilaia tu olsem Benji Marshall, long ol arapela tim olsem Tigers,” Sheens i tok.

Narapela Nu Silan pilaia tu em hap bek bilong Manly, Kieren Foran, husat i go pas long helpim tim bilong em i win.

Sheens i tok dispela ol pilaia i lainim planti samting na ol bai kisim wankain save na strong i go bek long kantri bilong ol taim ol i pilai long 4 Nesens na ol arapela intane-senel tonamen olsem.



SEMPION: Ol Manly pilaia i amamas bihain long gem.

Digicel kap semi fainol bai kamap long Wabag

GAVANA bilong Enga provins, Peter Ipatas i tok Wabag em i wanpela gutpela ples bilong pilai ragbi lig.

Ipatas i mekim dispela toktok insait long ol nius ripot dispela wik bihain long ol toktok i kamap olsem wanpela semi fainol gem bilong Digicel kap bai kamap long hap.

Dispela gem bai kamap namel long asples tim bilong Wabag, Toyota Mioks na SBSL Muruks bilong Mendi.

Em bai namba wan taim tru bilong wanem fainols gem i kamap long Wabag na Ipatas i amamas tru long dispela.

Ipatas i tok tu olsem em bai givim K50, 000 i go long bod bilong PNG NRL, dispela em i wanpela samting we i mekim ol i kisim gem i go long Wabag.

Ipatas i tok em i bihainim dispela NRL salens long las 15 yia na i amamas long lukim gem i kamap strong olgeta yia.

Jenerel Menesa bilong PNG

NRL, Hubert Warupi, tok amamas long sapot bilong Gavana Ipatas.

“Dispela bai givim sans long ol manmeri long Wabag long kamap na lukim tim bilong ol i pilai,” em i tok.

Ipatas i tok Enga em i gutpela ples bilong pilai ol fainols gem.

“Mi save ol bai soim pasin tru bilong spots na sapotim ol tim na pilaia bilong ol long pasin bilong sapot stret,” em i tok.

Em i tok tu olsem i gutpela

long gem i kamap long hap bai provinsol gavman i ken luksave na kamapim samting tingting long stretim ol pilai graun na arapela samting bilong spots long hap.

Mioks i winim ples long gem dispela Sande bihain long ol i daunim Stop ‘N’ Shop Port Moresby Vipers 34 - 12 long Lae las wik.

Tim i win dispela wiken bai bungim Agmark Rabaul Gurias long Mosbi long Oktoba 16.

Tona winim ples long Olimpiks

Andrew Molen i raitim

MERI taekwando pilaia bilong Papua Niugini, Theresa Tona, i winim tiket pinis long stap insait long Olimpik resis long London long 2012.

Tona i kwalifai long pait insait long 49kg divisen bilong ol meri insait long Olimpiks, em i mekim dispela long pinis bilong Pasifik Gems resis long Nu Kaledonia tupela wik i go pinis.

Tona i winim silva medol long dispela tonamen na i mekim PNG kamap namba 4 insait long Pasifik long kwalifai long pait long taekwondo insait long Olimpiks.

Dispela em i namba tu taim bilong em long Olimpiks bihain long em i bin go long Beijing long Saina long 2008.

Ol arapela kantri husat i winim ples em Nu Silan (tripela pilaia), Australia (tupela pilaia), Samoa (tupela pilaia) na PNG (wanpela).

Dispela em i namba wan taim tu bilong Samoa long kamap long Olimpik Gems long taekwando.

35 pilaia bilong 11-pela kantri bin kamap long dispela tonamen long Nu Kaledonia wantaim bikpela tingting long winim ples insait long Olimpik Gems na Tona i wanpela long ol lain i go insait.



OLIMPIK PILAIA: Tona bai makim PNG long Olimpiks gen long taekwando. POTO: ANDREW MOLEN.

Kosa bilong PNG taekwando tim, Edward Kassman i bin gat bikpela bilip long ol pilaia bilong em taim ol i go long Pasifik Gems.

Em i tok, planti bilong ol i nupela tasol Tona em wanpela bilong ol sinia pilaia husat i gat eksperiens long kain ol bikpela gem olsem.

Liklik sapota bilong Pini

SAMUEL Maigao, em wanpela liklik sapota bilong namba wan swim man bilong yumi Ryan Pini, taim em save lukim Ryan swim long TV em save sapotim stret Ryan. Mama bilong Samuel em i tisa long Gordons Sekenderi Skul long NCD na taim Samuel i harim mama bilong em i tok olsem Pini bai go long skul bilong em long toktok long ol sumatin, hariap tru Samuel i tokim mama bilong em olsem em bai go na bungim dispela man we em i save sapotim tru long spots. Na em i no westim taim long bungim Pini na kisim poto wantaim em.

POTO: Nicky Bernard.

SPOT RAUN
WANTAIM
Scott Vavine, ML



Plantu no luksave long gutpela bilong spots

SPOTS i kamap wanpela samting we planti ol manmeri long ol komyuniti save laik yusim taim ol i nogat narapela samting long mekim tasol long wankain taim, i no olgeta manmeri na komyuniti no luksave long ol gutpela samting em i save kamapim.

Ol arapela hevi insait long komyuniti save pasim na tingting bilong ol manmeri long luksave long ol gutpela samting na helpim na we spots i nap kamapim long ol.

Olgeta spots manmeri insait long kantri mas i gat bilip olsem spots i gat ol gutpela samting we em i ken kamapim long helpim ol.

Dispela em i tru bilong wanem spots i save helpim planti ol pilaia long senisim ol pasin na tingting bilong ol na helpim ol long develop na kamap ol gutpela manmeri wantaim gutpela save bilong lukautim ol yet na komyuniti bilong ol tu.

Sapos yu lukluk long wanwan komyuniti insait long kantri, bai yu sore long lukim olsem ol i no save yusim gut spots long helpim na daunim ol arapela hevi insait long komyuniti.

Bai mi givim sampela tok piksa long yu long sait bilong kamapim na ronim ol tonamen o go long wanpela tonamen insait long eria bilong yu.

Plantu taim, bihain long tonamen i pinis, olgeta manmeri save go bek gen long wanem samting ol i bin mekim bipo.

Dispela i min olsem ol i no lainim o kisim wanpela gutpela samting long dispela tonamen.

Yumi yet i lukim planti taim pinis ol yangpela manmeri go spak na raun bihain tasol long ol tonamen i pinis.

Taim dispela kain ol hevi kamap yet insait long komyuniti, em i mas mekim yu tingting, long wanem na ol i kamap planti yet?

Bihain yu ken askim, spots i mekim wanem long traim na helpim long daunim dispela ol hevi insait long komyuniti?

Taim ol manmeri toktok long wok bilong spots olsem wanpela rot bilong komyuniti developmen, em ol i min wanem tru long dispela?

Bai yumi yusim spots olsem wanem long daunim dispela kain ol hevi?

Dispela em i wanpela samting we mi toktok long en planti taim pinis long hia bipo. Yes, spots i ken helpim gut tru long developim komyuniti tasol em i mas i gat ol gutpela risos long mekim wok na tu em i mas kamap gut.

Sapos em i kamap gut wantaim ol gutpela risos na sapot, em nau bai yumi nap long lukim tru wok bilong em na ol gutpela samting em i kamapim insait long ol komyuniti.

Spots em i no wanem samting i save kamap insait long pilai graun tasol, em i moa long dispela.

Wok bilong skulim na soim wanwan manmeri long gutpela na stretpela pasin na tingting em i no isipela samting tasol em i ken kamap sapos dispela wok i kamap wantaim gutpela pasin na tingting bilong ol lain husat i go pas long en.

Ol klap na asosiesen i mas opim membasip bilong ol i go long olgeta manmeri bilong komyuniti na traim long kisim planti ol bikpela manmeri go insait long ol wok bilong en.

Dispela ol bikpela manmeri ken helpim long givim ol gutpela stia long ol yangpela long klap o asosiesen.

Klap o asosiesen i mas kisim planti moa yangpela i go long ol bai ol i ken kisim ol stia na lukaut bilong ol bikpela manmeri bilong klap.

Wankain astingting i go long wanem kain ol kompetisen o tonamen ol i laik kamapim.

Dispela wok i no inap pinis na em i mas kamap olgeta yia long ol bikpela i go long ol yangpela na i go olsem tasol long ol yia i kam.

Ol pikinini bilong yumi mas gro i go insait long dispela kain laip na wankain i mas kamap long ol pikinini bilong ol na i go olsem tasol.

Dispela ol bikmanmeri mas toktok long ol gutpela samting spots i ken kamapim na tu wanem gutpela samting ol i kisim o lainim long spots. Ol i ken tokim ol yangpela long wanem kain gutpela samting spots i ken mekim long ol sapos ol i soim respek na gutpela pasin long en.

Mi save tok olsem, dispela em i olsem sios we astingting em long skulim ol manmeri long ol gutpela samting bai ol i ken kamap ol gutpela manmeri insait long wanwan komyuniti bilong ol.

Spots bai kamap samting nating o wanpela samting we i nogat as bilong en taim yumi yusim tasol long kisim biknem na amamas.

Taim dispela i kamap bai nogat planti gutpela samting i kamap long yu na ol arapela tu.



DIANA

Now Bigger at 425g

- ✓ Wankain Teist
- ✓ Wankain Prais
- ✓ Plenti Mit

TUNA in oil

Niupela piksa tasol wankain mit

Andrew Molen i raitim

NIUPELA kosa bilong Eastern Stars, Jaime Gomez, bilong Chile, i bilip em i no kam nating long Papua Niugini.

Em i bilip God i salim em i kam long PNG bilong wanem em i gat wok long hia.

Gomez em wampela profesenol soka pilaia bilong Chile long bipo na i gat planti ekspiens olsem pilaia na ofisol bilong dispela gem.

Nau em i laik givim dispela ol save na tingting bilong em long gem i go bek long ol manmeri.

Gomez i tok em i laik mekim dispela wok long PNG.

“Mi tok amamas long God long kisim em i kam long PNG bai mi ken lusim sampela save na wok bilong mi long hia bipo mi go.

“Mi laik wokbung gut tru wantaim ol pilaia bilong mi long Eastern Stars na tu wantaim ol arapela manmeri bilong PNG long kamapim na strongim soka long dispela kantri,” Gomez i tok.

“Mi kam long kantri na ples we soka em i namba wan samting, mipela i save silip, kaikai, dring, toktok na driman tasol long soka.

“Nau mi laik mekim wankain long ol manmeri bilong PNG,” em i tok.

Bikpela astingting bilong Gomez em long kisim soka i go daun long olgeta manmeri.

“Soka em bilong ol manmeri, em i samting we i ken senisim laip bilong yu sapos yu min tru long pilai na lainim dispela gem,” Gomez i tok.

“Mi laik helpim ol yangpela manmeri bilong yumi long PNG long luksave long dispela kain driman tu na yusim soka

Soka em bilong ol pipol



BIKPELA WOK: Gomez i sanap wantaim sampela ol pilaia bilong em. POTO: Andrew Molen.

long mekim ol i kamap gut bai ol i ken gat gutpela sindaun bilong ol wanwan,” Gomez i tok.

Bosman bilong Eastern Stars, Joseph Ealadona, i tokaut long Gomez olsem nupela kosa bilong ol insait long 2011-2012 NSL sisen, taim ol i bung wantaim nupela sponsa, City Pharmacy Limited,

dispela wik Trinde long Mosbi.

CPL i tokaut olsem ol bai kamap mama sponsa bilong ol Stars long dispela sisen na wokbung bilong ol wantaim klap bai go moa yet.

“Mipela i lukim ol Stars olsem wampela tim we i gat gutpela mak insait long dispela kompetisen na

mipela i laik pas wantaim ol na helpim ol long kamap wampela strongpela tim insait long PNG na Osenia tu,” Eksekutiv Dairekta bilong CPL, Sudhir Guru i tok.

Maketing Menesa bilong CPL, Prue Go i tok ol Stars bai gat nem bilong CPL i stap antap long mak o logo bilong tim na nupela nem bilong tim bai kamap City Pharmacy Eastern Stars.

macy Eastern Stars.

Kompetisen bai stat long Oktoba 15 na Ealadona i tok wampela tingting bilong ol tasol long em long kamap nambawan na ol bai wokhat wantaim sapot bilong CPL na gutpela helpim na trening bilong Gomez long mekim dispela i kamap.

WINPELA KAR

Baim wampela fevaret kar bilong PNG, ISUZU N Series na bai yu gat sans long

WINIM K20,000

FOPELA DRO Wampela wina long fopela rejen
MOWASE | ISLANDS | HIGHLANDS | SOUTHERN

CONDISEN APLAI!

BOROKO MOTORS

PORT MORESBY	325 5255
LAKE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
Website: www.boroko-motors.com